



Broj: 02-05-1-847 /19
Datum, 29.04.2019.godine

ZAPISNIK

sa 27. sjednice Općinskog vijeća Maglaj
održane dana 29.04.2019.godine u 08,45 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća, zaključaka Kolegija od 19.04.2019.godine, te Programa rada Općinskog vijeća za 2019. godinu otvaram 27. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 27. redovnoj sjednici Općinskog vijeća.

Današnjoj sjednici Općinskog vijeća prisustvuje 23 vijećnika.

Nisu prisutni vijećnici Josip Jurišić i Dženita Smajlović.

Svoj izostanak najavili su putem svog Kluba Smajlović Dženita, a Josip Jurišić je najavio još ranije.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Prije nego pređemo na samu verifikaciju Zapisnika sa prethodne sjednice, ja bih zamolila Načelnika općine Maglaj da se kratko obrati svim vijećnicima i radi medijskog praćenja današnje sjednice da najavi neke aktivnosti za današnji dan.

Načelnik općine Mirsad Mahmutagić, samo da kažem da je naš komandant Štaba TO gospodin Sulejman Herceg preselio. Danas je dženaza, a planirano je da se danas u ovim prostorima održi i komemoracija tim povodom u 15 sati. S obzirom da se to sve izdešavalo u nedjelju, danas je ponedjeljak, nismo mogli ranije dobiti informaciju, ali se radi ubrzano na pripremi održavanje komemoracije. Zamolio bih vas da budemo ekspeditivni, da sjednicu ranije završimo, da pripremimo salu za održavanje komemoracije.

Predsjedavajuća, kao što ste čuli danas u 15 sati u Sali Općinskog vijeća bit će održana komemoracija za komandanta TO.

Na današnjoj sjednici izvršit ćemo verifikaciju zapisnika sa 26. redovne sjednice Općinskog vijeća.

Da li ima primjedbi na zapisnik sa 26. redovne sjednice?

Vijećnik Firuz Galijašević, na strani 17. tačka 8.2. desila se greška gdje stoji glasalo 10 glasova uzdržanih, pa onda glasalo 2 uzdržana. Mislim da treba da stoji 10 glasova protiv.

Predsjedavajuća, nema više primjedbi na zapisnik. Uvažavajući konstataciju iznesenu od gospodina Galijaševića, predlažem verifikaciju zapisnika sa prethodne sjednice.

Verifikovano jednoglasno.

Prije nego iščitam današnji dnevni red, da napomenem da je održana kratka sjednica Kolegija Općinskog vijeća na kojoj smo razmatrali nekoliko zahtjeva vezano za izmjene dnevnog reda. Jedan od zahtjeva bio je zahtjev od strane Komandira Policijske stanice Maglaj, ja ću izaći za govornicu i pojasniti stav Kolegija, a nakon toga ću i predloženi dnevni red pročitati.

Vijećnica Svjetlana Zamboni, Komandir PS Maglaj prije početka održavanja sjednice zamolio je da se tačka dnevnog reda Informacija premjesti negdje ranije u dnevni red kako bi mogao prisustvovati sastanku u Zenici, te bi morao napustiti sjednicu u 11 sati. Obzirom da članovi Kolegija, ali i svi vijećnici smatraju da situacija u Policijskoj stanici Maglaj, dakle i na području općine Maglaj vrlo ozbiljna i da zahtjeva jedan ozbiljan i detaljan pristup, Kolegij insistira i predlažemo da se ta tačka skine s dnevnog reda danas i insistiramo da se nađe na dnevnom redu za narednu sjednicu sa zahtjevom da na toj tački dnevnog reda budu prisutni kako je bio i zahtjev

Kolegija, predstavnik Foruma bezbjednosti općine Maglaj, komandir PS Maglaj, komandir PU Zavidovići i pomoćnik i zamjenik PS Maglaj. U tom slučaju, tu tačku dnevnog reda premještamo za narednu sjednicu OV, o kojoj ćete blagovremeno biti i obavješteni.

Vijećnica Šefka Hasanić, javila sam se za ispravku krivog navoda koju je navela Predsjedavajuća OV, rekla je svi vijećnici. Svi vijećnici nisu stali da trebamo o Informaciji o bezbjednosti/sigurnosti na području općine Maglaj, raspravljati o stanju u Policijskoj stanici. Stanje u Policijskoj stanici trebaju rješavati nekakvi drugi organi, a ne Općinsko vijeće.

Predsjedavajuća, Šefka, vi niste prisustvovali sjednici Kolegija, vaš predsjednik je rekao podržavam sve ovo što je rečeno, nije se složio s jednim prijedlogom za dnevni red, a to nije ništa negirao vezano za diskusiju.

Vijećnik Safet Jašić, ja sam prisustvovao Kolegiju koji je održan prije sjednice Vijeća i ja sam rekao da podržavam skidanje s dnevnog reda kako je predviđeno, a stanje u Policijskoj stanici ja ne ocjenjujem niti mogu ocjenjivati, niti znam kakvo je stanje u PS. Tako da što se tiče skidanja s dnevnog reda nekih tački i uvrštavanja ja sam bio za to. Vi znate dobro moj stav kakav je bio po tom pitanju.

Predsjedavajuća, ja sam imala obavezu da obrazložim stav Kolegija vezano za skidanje ove tačke dnevnog reda. Nakon održane sjednice Kolegija predlaže se slijedeći dnevni red sa ovim izmjenama koje je Kolegij imao.

DNEVNI RED

1. Prijedlog Odluke o građevinskom zemljištu Općine Maglaj;
2. Prijedlog Odluke o izmjeni i dopuni Odluke o komunalnoj naknadi;
3. Prijedlog Odluke o utvrđivanju vrijednosti boda komunalne naknade u Općini Maglaj za 2019.godinu;
4. Prijedlog Programa poticaja u poljoprivrednoj proizvodnji općine Maglaj za 2019. godinu;
5. Prijedlog Odluke o zaštiti izvorišta vode za piće u slivu rijeke Bistrice općina Maglaj;
6. Prijedlog Odluke o dodjeli na korištenje po osnovu zakupa prostorija dijela drugog sprata JU Dom kulture „Edhem Mulabdić“ Radio televiziji Maglaj d.o.o. Maglaj;
7. Periodični finansijski izvještaj Budžeta-Proračuna Općine Maglaj za period 01.01.-31.03.2019.godine;
8. Prijedlog Odluke o davanju saglasnosti za konačno imenovanje direktora JU Dom kulture „Edhem Mulabdić“ Maglaj;
9. Izvještaj o radu KJD d.o.o. Maglaj za period 01.01. – 31.12.2018.godine;
10. Izvještaj o radu JP „Veterinarska stanica“ Maglaj za 2018.godinu;
11. Program rada JP „Veterinarska stanica“ Maglaj za 2019. godinu;
12. Izvještaj o radu JU Centar za socijalni rad Maglaj za 2018.godinu;
13. Program rada JU Centar za socijalni rad Maglaj za 2019.godinu;
14. Izvještaj o radu JU Dom kulture „Edhem Mulabdić“ Maglaj za 2018.godinu;
15. Program rada JU Dom kulture „Edhem Mulabdić“ Maglaj za 2019. godinu;
16. Izvještaj o radu JU „Narodna biblioteka“ Maglaj za 2018.godinu;
17. Program rada JU „Narodna biblioteka“ Maglaj za 2019. godinu;
18. Izvještaj o radu JU Dom zdravlja Maglaj za 2018.godinu;
19. Izvještaj o radu JU Narodna apoteka Maglaj za 2018.godinu;
20. Program rada JU Narodna apoteka Maglaj za 2019.godinu;

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 10 glasova protiv: Adis Abdurahmanović, Nedžad Alispahić, Selma Avdić, Edib Delić, Mirsad Bejić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik).

AD – 1 Prijedlog Odluke o građevinskom zemljištu Općine Maglaj;

Fuad Hajrulahović, uvodno izlaganje – u materijalu za sjednicu vijeća dobili ste prijedlog Odluke o građevinskom zemljištu.

Općinsko vijeće Maglaj je na sjednici održanoj dana 06.04.2017.godine donijelo Odluku o pristupanju izrade Nacrta Odluke o građevinskom zemljištu općine Maglaj broj: 02-05-1-856/17 kojom je u članu 2. zadužilo Općinskog načelnika da formira komisiju za izradu Nacrta Odluke o građevinskom zemljištu općine Maglaj, a istu je Općinski načelnik imenovao rješenjem broj: 01-49-1271/17 od 26.05.2017.godine. Komisija je sačinila Nacrt Odluke o građevinskom zemljištu općine Maglaj, a isti je Načelnik općine uz pribavljeno mišljenje Općinskog pravobranilaštva dostavio Općinskom vijeću na razmatranje. Općinsko vijeće Maglaj je na sjednici održanoj 07.06.2018.godine zaključkom broj: 02-05-1-1318-10/18 usvojilo Nacrt Odluke o građevinskom zemljištu općine Maglaj, zadužilo Službu za urbanizam, geodetske i imovinsko pravne poslove Općine Maglaj da provede javnu raspravu u trajanju od 30 dana. Javna rasprava održana je 04.07.2018.godine. Na javnoj raspravi vrlo loš odziv,

bolje reći nikakav. U toku procedura javnog uvida i javne rasprave, dobili smo i pismeni dopis iz JP „Elektroprivreda“ BiH, „Elektro distribucija“, Zenica gdje su oni ukazali na određene sugestije i primjedbe u određenim članovima, a to se najviše odnosilo na članove koji definišu naplatu korištenja građevinskog zemljišta, odnosno KGZ. Pravni osnov za donošenje ovog prijedloga Odluke sadržan je u Zakonu o građevinskom zemljištu FBiH, Zakona o stvarnim pravima FBiH, Pravilnika o postupku javnog konkursa za raspolaganje nekretnina u vlasništvu FBiH, Kantona, općina i gradova, Zakona o principima lokalne samouprave u FBiH i Statuta Općine Maglaj. Kao što ste vidjeli ova odluka ima malo veći broj članova. Ima 70 članova i u ovoj Odluci je definisano ono što je trebalo biti definisano u skladu sa zakonskom procedurom odnosno ono što je propisano u zakonima koje sam malo prije nabrojao.

Ovom Odlukom o građevinskom zemljištu općine Maglaj, u prvih nekoliko članova imamo opće odredbe ono što je vrlo bitno u članu 1. Ovom Odlukom određuju se granice i zone gradskog građevinskog zemljišta sa opisom i grafičkim prikazom obuhvata. Granice ostalog izgrađenog i neizgrađenog zemljišta u urbanom području i van njega, kao i uslovi i načini i postupci raspolaganja građevinskim zemljištem u vlasništvu Općine Maglaj u vidu prodaje i osnivanja prava građenja, na osnovu javnog konkursa, neposredne pogodbe i zamjene zemljišta i propisuju osnovi i mjerila za određivanje naknade za uređenje građevinskog zemljišta, naknada za pogodnost građevinskog zemljišta, renta kao i načini i rokovi plaćanja tih naknada. Kao što se sjećate da je u ovoj našoj odluci bio i KGZ, odnosno troškovi koji su se plaćali za korištenje građevinskog zemljišta. U međuvremenu je Ustavni sud FBiH donio Presudu broj 64/17, da ne čitam cijelu. Donošenjem navedene presude više ne postoji pravni osnov da općine naplaćuju naknadu za korištenje građevinskog zemljišta, tako da smo mi našu Odluku o građevinskom zemljištu uskladili sa važećim propisima. Šta je bitno, ova Odluka o građevinskom zemljištu je jedan osnov za ostale druge Odluke koje se vežu za ovu Odluku prilikom utvrđivanja određenih vrijednosti i visina. Kao što ste vidjeli u materijalu u ovoj Odluci imamo određene granice obuhvata. Građevinsko zemljište se dijeli na šest zona i ovdje je detaljno, opisane su zone po brojevima k.č. kao i na grafičkim prikazima, malo vam je teže vidjeti jer je to dosta sitno, ali uglavnom šest zona je vrlo bitno naglasiti da se kompletno građevinsko izgrađeno, neizgrađeno na području općine Maglaj dijeli na šest građevinskih zona, zatim uslovi i način prodaje građevinskog zemljišta, pa imate jedno poglavlje o pravu građenja, pa imate dodjelu zemljišta neposrednom pogodbom, pa naknade za pogodnost gradskog građevinskog zemljišta, rente, naknade za uređenje gradskog građevinskog zemljišta plaća se na korisnu površinu stambenog, proizvodnog, poslovnog i drugog prostora izraženog u m². Također u članu 45. kako ste vidjeli po ovim zonama određeni su i koeficijenti i kao što se sjećate da ste na jednoj od prethodnih sjednica, mislim da ste utvrdili da je cijena 1 m² na području općine Maglaj za 2019. godine, 730,00 KM, koji se opet primjenjuje u skladu sa ovom odlukom. Također ova Odluka o građevinskom zemljištu ima i svoj uticaj i na Odluku o komunalnoj naknadi o kojoj ćemo nešto kasnije govoriti.

Dopredsjedavajući, prije nego otvorim raspravu dužan sam da obavijestim vijećnike i goste da je Predsjedavajuća Svjetlana upravo dobila jednu tešku i tužnu vijest koja ju je potresla i bar u ovom trenutku ne dozvoljava da na racionalan i koncentrisan način vodi, tako da ću ja voditi ovu sjednicu.

Otvaram raspravu

Vijećnik Firuz Galijašević, Klub SDP-a prihvata Odluku o građevinskom zemljištu općine Maglaj.

Vijećnik Hajrudin Ferić, ja želim da napomenem da je ova Odluka jako važna za funkcionisanje cijele društveno političke zajednice općine, da u mnogome je jasnija, preciznija i usaglašena sa zakonima koji su se donosili u svom ovom periodu u prethodnih desetak godina od kako je prvi tekst ove odluke donesen nekad na ranijem sazivu OV Maglaj.

Samo jedna opaska i jedna mala replika gospodinu Hajrulahoviću, to je da je javna rasprava zakazana isti dan kad se održavala i 19. Sjednica OV, pa možda neki vijećnici a znam za sebe sigurno i nisu mogli da prisustvuju toj javnoj raspravi. Malo je bio i čudan termin, ali dešava se da se poklapaju neke stvari.

Ono što želim jest da predložim jednu izmjenju, dopunu člana 68. koji bi trebao da glasi: „Zahtjevi podneseni prije početka primjene ove odluke, po kojima nije donijeto rješenje o dodjeli građevinskog zemljišta, rješavat će se po odredbama važećih zakona koji regulišu ova pitanja“.

Mislim da može u praksi da dovede do puno zabluda i dilema i nedoumica i građane i investitore i vas u službi, ako bi ostalo ovo kako je predloženo, a mislim da je ovo puno jasnije i preciznije.

Vijećnik Safet Jašić, ja se nadam da je šef Službe do sad pogledao ovu primjedbu. Da li je na mjestu ova primjedba i da li može da ide ovako? Može, primjedba je na mjestu.

Zaključujem raspravu i dajem na glasanje sa ovim amandmanom u članu 68.

ZAKLJUČAK

1.1. Donosi se Odluka o građevinskom zemljištu Općine Maglaj uz izmjenju u članu 68 tako da glasi:

„Zahtjevi podneseni prije početka primjene ove odluke, po kojima nije donijeto rješenje o dodjeli građevinskog zemljišta, rješavat će se po odredbama važećih zakona koji regulišu ova pitanja“.

Usvojeno sa 23 glasa za :

Svjatlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanišć Šefka, Safet Jašić, Edina Jašić, Ermina Muminović (SDA), Mustafa Buljubašić (samostalni vijećnik).

AD -2 Prijedlog Odluke o izmjeni i dopuni Odluke o komunalnoj naknadi;

Otvaram raspravu

Vijećnik Hajrudin Ferić, slično kao i u prethodnoj tački, ova Odluka o izmjenama Odluke o komunalnoj naknadi, mi smo je donijeli prošle godine je sad puno bolje i više precizirana i olakšava rad i službi. Ono što se moglo u ovom prethodnom periodu, kad smo raspravljali dosta o ovoj odluci, bilo je određenih dilema i pitanja i optuživanja sa pojedinih mjesta da bi moglo biti tu svega i svakakvog tumačenja prema građanima, pa da ne bi to sve imali da ne bi bilo nikakvih špekulacija da bude jasno u budućnosti, ja predlažem u članu 3. Odluke o izmjenama i dopunama Odluke o komunalnoj naknadi iz stava 2. novog člana 8. dodati stav 3. koji glasi: „Općinsko vijeće može određena lica privremeno osloboditi plaćanja komunalne naknade, na osnovu Programa mjera subvencioniranja troškova plaćanja komunalne naknade“. Tu bi stav 3. postao stav 4.

U prelaznim i završnim odredbama dodati : „Do donošenja Programa mjera subvencioniranja troškova plaćanja komunalne naknade, neće se vršiti obračun za vlasnike stambenog garažnog i pomoćnog prostora. Ako obveznik plaćanja komunalne naknade, stambeni, garažni i pomoćni prostor daje na korištenje ili zakup drugim licima ne može ostvariti pravo na oslobađanje.“

Vijećnik Mirza Bradarić, u ime Kluba SDP-a mi ćemo prihvatiti ovu Odluku o izmjeni i dopuni Odluke o komunalnoj naknadi. Ovo je zakonska regulativa koju mi trebamo poštovati.

Fuad Hajrulahović, Prilikom izrade prijedloga Odluke o komunalnoj naknadi i ove Odluke koju je OV usvojilo prošle godine, mi smo koristili i malo konsultovali i susjedne gradove iz našeg kantona i drugih kantona i svi su bili u nekakvoj nedoumici. Uglavnom većina općina ima određene kategorije koje oslobađa od plaćanja komunalne naknade. Do sad niko nije na stanove, vikend objekte i garaže plaćao i ovo je dobro plaćat će samo onaj ko ima korist od toga, ako stambeni prostor, vikend prostor, garažni prostor i neki drugi prostor daje u zakup za obavljanje nekih djelatnosti. Sigurno i druge općine ovako pojedinačne slučajeve rješavaju po zahtjevima. Imaju određene kategorije, neće to imati neki finansijski učinak odnosno štetu na općinu Maglaj. Tu se radi o pojedinačnim slučajevima i većinom su to neke male površine koje su vrlo neznatne za ukupne prihode iz naplate komunalne naknade. Općinsko vijeće donosi odluku i vi možete i osloboditi. Mi to nismo stavili iz jednog prostog razloga što bi otvorili mogućnost većem broju da se prijavi i onda bi opet imali velikih problema, obaveza na Općinskom vijeću. Sigurno da postoje određeni kriteriji i obrazloženja zašto neko ne može odnosno treba biti oslobođen od plaćanja.

Vijećnik Hajrudin Ferić, Zakon o komunalnim djelatnostima tačno i jasno i precizno je naznačeno ko se obavezno oslobađa i to je u ovom prijedlogu Odluke o komunalnim naknadama, to je tako i napisano. Međutim, kako je gospodin Hajrulahović rekao i ono što smo mi na Klubu DF razgovarali i prošle i preprošle godine o tome da ovo OV mora imati taj sluh, efekat za socijalno osjetljive kategorije i da ne možemo da ne mislimo na njih kad donosimo odgovarajuće odluke. Obzirom da je SDA kad smo donosili ovu Odluku o komunalnim djelatnostima, čak i putem pisanih medijskih saopštenja, ali i ovdje kroz vašu diskusiju vi ste govorili ovo je namet građanima itd. Samo na ovaj način mi se i pravno i faktički ograđujemo od toga da nema novih nameta građanima, a pogotovo socijalnim slučajevima, ko kad, kako će dobiti subvenciju oslobađanja od ovih kategorija stanovništva utvrđivat će vijeće na osnovu Programa subvencioniranja koji treba da se donosi svake godine. Ovdje se i govori o privremenom oslobađanju. I ja sam malo gledao kakva su iskustva i u gradu Bijaču, u Ljubuškom, u mnogim drugim gradovima i uglavnom ovo kako je rečeno, to su one zaista najugroženije kategorije stanovništva, koje nekom potvrdom ili po službenoj dužnosti socijalni rad, službe itd. daju subvencije na taj rok. Prema tome, zaista bi politički bilo štetno za sve nas ovdje kad ne bi prihvatili ovaj prijedlog. Naravno, ja se zdušno zalažem da ga usvojimo i mislim da će i većina biti.

Fuad Hajrulahović, mi u ovoj izmjeni Odluke o komunalnoj naknadi nismo namjerno stavili ove kategorije iz jednog prostog razloga što Općina Maglaj ne naplaćuje za stambene, garažne i vikend objekte nikom, a u većini drugih općina gdje naplaćuju 99% oslobođena lica su upravo ti koji plaćaju za stanove, garaže i za vikendice. S obzirom da mi ne naplaćujemo, zato nismo ni stavili. Kad dođe vrijeme da i mi uvedemo da se plaća za stanove i druge prostore, onda će to biti i detaljnije opisano koji imaju pravo. U većini drugih općina oslobođene su boračke populacije, socijalne kategorije i sl.

Zaključujem raspravu i dajem na glasanje sa ovim amandmanom člana 3. i dodatka u prelaznim odredbama.

Z A K L J U Č A K

2.1. Donosi se Odluka o izmjeni i dopuni Odluke o komunalnoj naknadi uz izmjene:

2.2. U članu 3. Odluke o izmjenama iza stava 2. novog člana 8. dodati stav 3. koji glasi:

„Općinsko vijeće može određena lica privremeno osloboditi plaćanja komunalne naknade, na osnovu Programa mjera subvencioniranja troškova plaćanja komunalne naknade“.

2.3. U prelazne i završne odredbe dodati tekst:

„Do donošenja Programa mjera subvencioniranja troškova plaćanja komunalne naknade, neće se vršiti obračun za vlasnike stambenog garažnog i pomoćnog prostora.“

Ako obveznik plaćanja komunalne naknade, stambeni, garažni i pomoćni prostor daje na korištenje ili zakup drugim licima ne može ostvariti pravo na oslobađanje.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, samostalni vijećnici,

Glasalo 10 glasova suzdržanih: Adis Abdurahmanović, Nedžad Alispahić, Selma Avdić, Edib Delić, Mirsad Bejić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

U vrijeme glasanja u sali nije bio prisutan Elvir Vehabović samostalni vijećnik.

AD -3 Prijedlog Odluke o utvrđivanju vrijednosti boda komunalne naknade u Općini Maglaj za 2019.godinu;

Fuad Hajrulahović, da bi mogli primjenjivati Odluku o komunalnoj naknadi Općinsko vijeće je dužno da donese svake godine i Odluku o o utvrđivanju vrijednosti boda komunalne naknade, tako i za ovu 2019. godinu. Kao što ste vidjeli u našoj odluci o građevinskom zemljištu, imamo šest zona i mi smo po ovih šest zona predložili koeficijente. Ovi su koeficijenti niži od koeficijenata za prošlu godinu, tako da članom 30. Zakona o komunalnim djelatnostima utvrđeno je da vrijednost boda komunalne naknade utvrđuje OV na temelju programa finansiranja komunalnih djelatnosti navedenih u članu 34. ovog Zakona, stav 3. vrijednost boda komunalne naknade utvrđuje se posebnom odlukom i mi smo i dali taj prijedlog po zonama. Otprilike smo pravili neke procjene, štih probe, tako da bi vrijednost prošlogodišnja bila slična i ove godine, s tim da bi bilo negdje malo manje, negdje malo više, ali u prosjeku bi ostalo na istom nivou.

Otvaram raspravu, nije bilo rasprave, zaključujem raspravu i dajem na glasanje

Z A K L J U Č A K

3.1. Donosi se Odluka o utvrđivanju vrijednosti boda komunalne naknade u Općini Maglaj za 2019.godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 10 glasova protiv: Adis Abdurahmanović, Nedžad Alispahić, Selma Avdić, Edib Delić, Mirsad Bejić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

AD -4 Prijedlog Programa poticaja u poljoprivrednoj proizvodnji općine Maglaj za 2019. godinu;

Ferhat Bradarić, Služba za privredu, finansije i razvoj poduzetništva je u skladu sa zaključkom 24. redovne sjednice Općinskog vijeća, kada je donesen zaključak da se provede javna rasprava po pitanju nacrta Programa poticaja u poljoprivrednoj proizvodnji sa rokom od 30 dana, organizovala je istu. Ostavila dovoljno dug period svim zainteresovanim da se prijave na javnu raspravu. Ista je održana 06.03.2019.godine u Sali Doma kulture, gdje je bilo prisutno 41 učesnik, od čega su bila i tri općinska vijećnika. Bila je veoma konstruktivna rasprava, više-manje sve je bilo na fonu pohvale dosadašnjeg rada, također je bilo pohvale što je taj iznos povećan makar to bilo i simbolično 5.000 KM na nivou godine, tako da je bilo dosta konstruktivnih prijedloga, a po pitanju raspodjele po vrstama poticaja. Općinska služba za privredu i finansije u saradnji sa komisijom OV za poljoprivredu, vodoprivredu i šumarstvo 18.03.2019.godine organizovala je zajednički sastanak gdje smo analizirali sve ove iznesene prijedloge i sugestije, tako da je u odnosu na 2019.godinu po vrstama poticaja stanje ovako. Proizvodnja sirovog kravljeg mlijeka ostala je na nivou iz prethodne 2018.godine. Pčelarstvo, proizvodnja meda na zahtjev Udruženja pčelara i individualnih proizvođača meda, zahtjev je bio da se poveća na 11, što je komisija prihvatila, znači 11,00 KM po košnici, a da taj minimalan broj košnica ostane i dalje 10. Proizvodnja konzumnih jaja je povećana sa dosadašnjih 0,10 na 0,15 KM/ po koki nosilji. Plastenička proizvodnja ostala je u rasponu od 0,70 do

1,00 KM, znači po m² da će to biti na nivou prethodne godine, znači 1,00 KM /m². Proizvodnja krastavaca kornišona je ostala na nivou iz prethodne 2018.godine. Novi program poticaja je u proizvodnji fafarona. On je dobio istu liniju podrške kao i proizvodnja krastavca kornišona. Kad je u pitanju proizvodnja jagodičastog voća konkretno maline, da vas ne buni, ovdje ide prijedlog od 0,10 do 0,15 kao i u 2018.godini, s tim da će se na prijedlog Načelnika taj iznos vjerovatno uvećati kako bude stanje na terenu. Znači da je prošle godine taj iznos poticaja bio povećan sa 0,25 KM/kg otkupljenih količina. Proizvodnja kukuruza je povećana sa dosadašnjih 10,00 KM po dulumu na 15,00 KM/dulumu sa minimalno 10 dulumu odnosno jedan ha. Proizvodnja aronije, borovnice je ostala na nivou iz 2018.godine. Ovdje također je prijedlog komisije bio a ne znajući da je to bio i stav pojedinih poljoprivrednih proizvođača da se ostavi pravo i mogućnost, da se aplicira po 2 i više osnova, tako da je to uobzireno, da se da mogućnost poljoprivrednim proizvođačima za slijedeće vrste biljne proizvodnje, to je proizvodnja maline, krastavca kornišona, paprike, feferona, aronije, borovnice, plasteničke proizvodnje da se može ostvariti kombiniranjem dvije ili više ove proizvodnje. Također, nova kategorija je za one poljoprivredne proizvođače koji su registrirani kao obrti a mi njih imamo 32 obrta na nivou općine, koji su registrovani kao fizička lica i dva preduzeća koja se bave poljoprivrednom proizvodnjom, znači d.o.o. njihov koeficijent za 2019. godinu je 1,1. Znači, množi se sa iznosom poticaja koji budu ostvarili. Tako će se primjenjivati za sve one koji budu u toku godine stekli pravo, odnosno koji budu izvršili registraciju bilo obrta, bilo preduzeća tako da ih s jedne strane stimuliramo da sve više se opredjeljuju na registraciju. Bila je vrlo konstruktivna javna rasprava gdje su većina naših poljoprivrednih proizvođača zahvalili se Općini i OV .

Vijećnik Mustafa Bešić, Komisija za poljoprivredu, vodoprivredu i šumarstvo, kolega Ferhat je sve to dobro izložio i obrazložio. Ono što je jako bitno da je Program poticaja za 2019.godinu 190.000,00 KM. Komisija je zasjedala i nudi Vijeću da podrži ovaj prijedlog poticaja za 2019. godinu. Povećali smo neke stavke, imali smo jednu komisiju, javnu raspravu gdje su poljoprivrednici iznijeli svoje stavove, što je najbitnije da ljudi s terena donose informacije šta im je najbolje činiti, šta bi trebao OV i Općina Maglaj da poduzmu povodom toga. Komisija predlaže da OV podrži ovaj Program poticaja.

Otvaram raspravu.

Vijećnica Edina Jašić, Klub vijećnika SDA traži da se u svakoj oblasti poljoprivredne proizvodnje izbaciti stav koji kaže: „Visina poticaja može biti i manja po jedinici mjere zavisno od broja zaprimljenih zahtjeva“. Naš stav je da visina poticaja ne može biti manja nego što je to u prijedlogu Odluke i to za sve vrste poljoprivredne proizvodnje. Poticaj za proizvodnju maline, također predlažemo da ostane bar na nivou prošlogodišnjeg 0,25 feniga ili ako može i 0,30 imajući u vidu da se najveći broj zasada maline odlučio na uništavanje zasada i da oni koji su se odlučili baviti malinarstvom treba stimulirati, kao i da se poticaj za proizvodnju meda podigne za 2,00 KM po košnici u odnosu na prethodnu godinu, imajući u vidu osjetljivost ove proizvodnje, ali i ljekovita svojstva proizvoda. Ukoliko se prihvate naši prijedlozi, Klub vijećnika SDA će podržati Program poticaja u poljoprivrednoj proizvodnji općine Maglaj za 2019.godinu.

Vijećnik Hajrudin Ferić, osjećam se i obaveznim i pored toga što je gospodin Bradarić i gospodin Bešić iznijeli svoje stavove i sa javne rasprave i sa komisije, da prenesem ono što su zahtijevali, tražili, molili i proizvođači na toj javnoj raspravi, bio sam i ja i sve je onako kako je gospodin Bradarić rekao, zaista je bila u konstruktivnoj dobroj atmosferi, sa puno i argumentovanih prijedloga i činjenica i sugestija kako da se to unapređuje, ali isto tako i sa pohvalama i prema OV a pogotovo prema općinskoj administraciji u realizaciji ovih poticajnih mjera. Mislim da bi ozbiljno trebalo da se razmotri o svim onim prijedlozima koji su došli i koje ste vi pobrojali ovdje dole u ogledu sa javnom raspravom da se mogu uvesti poticaji i ko se bavi sa dvije i više djelatnosti u oblasti povrtlarstva itd.. Mislim da Komisija ima mogućnost da to pripremi za neku od narednih godina, da se te stvari urade, a i sad da se to uvrsti. Ono što ja hoću ovdje da prenesem, jeste zahtjev, molba općinskoj administraciji, odnosno Načelniku da učini sve kako bi u administraciji bio uposlen stručni poljoprivredni inženjer, smatrajući da i dosadašnja iskustva, a pogotovo ova sad vremena zahtijevaju puno stručne pomoći tim poljoprivrednicima koji hvala Bogu i sve su na neki način i bolji i kvalitetniji. Ja prenosim ovo zaduženje i znam koliko im to puno znači.

Načelnik općine, da krenem od poljoprivrednog inženjera, bit će brzo konkurs. Nismo odmah raspisali, nisam bio siguran da li će gospodin Dundžer da se vrati, ali ostao je na funkciji. To nam treba i ići ćemo brzo sa konkursom kad je u pitanju poljoprivredni inženjer.

Kad su u pitanju ove ostale stvari više su pitanje populizma, nego rješavanje problema. Dakle i prije je stajalo da može biti manje, ali nije bilo manje, zavisi može se desiti situacija i sa Budžetom, može se desiti situacija i sa količinom uroda itd. ono što treba posmatrati šta se dešavalo. Dešavalo se da smo povećavali i išli prema maksimalnim iznosima. Kad pomignete malinu, da ostane na prošlogodišnjem nivou. Prošlogodišnji nivo trebate znati šta je bio planom, a da smo zbog toga što se desilo prošle godine sa urodom ovdje na Vijeću predložili, nije tražio niko od vijećnika, nego je Služba i Načelnik predložili da se s obzirom na stanje u Budžetu da se podigne i promijeni ta visina za poticaj za malinare i vi ste to usvojili. I ove godine ćemo raditi kao što smo radili i prošle godine, ako se desi situacija da se negdje u nekom dijelu može povećati iznos i iznad onog planiranog, ja ću vama predložiti a vi podržite, a nemojte se igrati sada populizma, ako su i oni koji su bili na javnoj raspravi, a čini mi se da nije bilo kvalitetnije javne rasprave nego što je bila kad je u pitanju Program poticaja za poljoprivredu i čini mi

se da nikad nije bilo zadovoljnijih oni koji su prisustvovali javnoj raspravi bilo koje vrste od infrastrukture, izgradnje itd. pa sve kako je to situacija sa poljoprivredom. Uzmite u obzir, pogledajte unazad koliko se podržavala poljoprivreda i ko je dobijao poticaj u odnosu na ono što imate sad u programu i kada su iznosi i kad je struktura poticaja.

Vijećnik Mustafa Bešić, samo za informaciju da se nadovežem na Načelnikovo izlaganje. Na javnoj raspravi učestvovalo je preko 41 osoba. Mi smo ovdje bili ja kao član Komisije, gdje je bio dopredsjedavajući i vijećnik Fikret Delić. Uzeli smo u obzir sve one prijedloge koje su ljudi iznosili. Stavili smo na papir i razmotrili. Ja ne vidim ovdje zbog čega se ne bi podržao ovaj Program. Ako imamo unazad, ja sjedim već sedma godina u vijeću, gdje se nije uplaćivalo ni pola, a sad imamo 190.000,00 KM. Trudimo se maksimalno da pomognemo poljoprivrednicima i da povećamo i svake godine se povećava.

Vijećnik Safet Jašić, reći ću samo naravno, može se razumjeti, ako se ne može, ne može. Zna se šta se može a šta se ne može. Ali ne možete nam zabraniti da predlažemo, niko ne može zabraniti nikom i kakav populizam. Populizam je svake sjednice, ali u drugim taborima i u drugim smjerovima. Nije ovo populizam, ovo je nešto realno jer znamo stanje kakvo je na terenu, znamo koliko je ljudi uništilo zasade malina, voća itd. Ovo je naš prijedlog. Zašto odmah se dočekuje ne prihvatite prijedlog i nikome ništa. Nema ovdje populizma, nije izborna godina niti bilo šta što bi naštetilo bilo kome. Mi smo naveli razloge zašto ovo predlažemo, a ovo su razlozi što je manji broj ljudi koji se bavi ovim. Ništa drugo. Ja bih vas zamolio i ubuduće da o tome ne pričamo, nije nikome stalo do populizma nego da se održi ono što se može održati i onako je čitava država u haosu po svakom pitanju.

Dopredsjedavajući, dajem na glasanje prijedloge SDA, prvi prijedlog je bio da se briše „Visina poticaja može biti i manja po jedinici mjere zavisno od broja zaprimljenih zahtjeva“.

Ko je za:

Glasalo 10 glasova za : Adis Abdurahmanović, Nedžad Alispahić, Selma Avdić, Edib Delić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Drugi prijedlog je bio da se poticaj za proizvodnju maline ostane bar na nivou prošlogodišnjeg 0,25 feninga ili ako može i 0,30 feninga.

Glasalo 10 glasova za : Adis Abdurahmanović, Nedžad Alispahić, Selma Avdić, Edib Delić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

Glasalo 11 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Mustafa Bešić, Kanita Bašić, Elvir Vehabović samostalni vijećnici.

Glasalo 2 glasa uzdržan: Hajrudin Ferić (DF), Fikret Delić,

Treći prijedlog, Poticaj za proizvodnju meda umjesto 1 KM, da se poveća na 2 KM po košnici.

Glasalo 10 glasova za : Adis Abdurahmanović, Nedžad Alispahić, Selma Avdić, Edib Delić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Dajem na glasanje prijedlog Programa kako je došao od strane Službe i predlažem

Z A K L J U Č A K

4.1. Usvaja se Program poticaja u poljoprivrednoj proizvodnji općine Maglaj za 2019. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 10 glasova uzdržano : Adis Abdurahmanović, Nedžad Alispahić, Selma Avdić, Edib Delić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

Pauza 5 minuta

AD – 5 Prijedlog Odluke o zaštiti izvorišta vode za piće u slivu rijeke Bistrice općina Maglaj;

Otvaram raspravu

Vijećnica Anida Šahman, Klub vijećnika SDP-a će prijedlog Odluke o zaštiti izvorišta vode za piće u slivu rijeke Bistrice općina Maglaj, kao dobar temelj od svih vidova zagađenja i štetnih utjecaja kako na sami izvor, tako i na ispravnost vode za piće.

Vijećnik Mirsad Bejzić, Klub vijećnika SDA prihvata prijedlog Odluke o zaštiti izvorišta vode za piće u slivu rijeke Bistrice općina Maglaj.

Vijećnik Hajrudin Ferić, prihvatit ću i ja prijedlog Odluke o zaštiti izvorišta vode za piće u slivu rijeke Bistrice općina Maglaj. Pohvaljujem ovaj kvalitetan materijal koji dolazi na dnevni red i koji ćemo usvojiti. Samo ću sugerisati Službi da nam u što skorije vrijeme dostavi i prijedlog Odluke o zaštiti izvorišta u Misurićima, mislim da i to treba da odradimo kako bi taj neki set bio kompletan.

Vijećnica Šefka Hasanić, čisto samo radi potvrde da se radi o istoj tački dnevnog reda, s obzirom da u sazivu tačka dnevnog reda i naziv tačke u materijalu nisu isti. Da se i to uredi.

Vijećnik Mirza Bradarić, jedna mala sugestija, na strani 10. štamparska greška pa kad se bude radila konačna Odluka, član 11. ovdje stoji „članom 11. Odluke propisana je obaveza „Komunalnog javnog dobra“, da se ispravi, treba da stoji „Komunalnog javnog društva“.

Vijećnik Mustafa Bešić, i naš će Klub podržati ovu Odluku. Ja bih iznio nekoliko činjenica, radim pri KJD Maglaj gdje sam u više navrata intervenisao povodom zaštite naše rijeke, koja je jako bitna za snabdijevanje vode općine Maglaj. Preko 85% koliko ja imam informacije, dolazi sa rijeke Bistrice napajanje Maglaja. Jako mi je drago i podržavam ovu Odluku, što je došlo do ovoga da možemo zaštititi to područje. Mislim da je došlo vrijeme da se mi svi moramo zapitati ne samo za Bisticu nego i za cijelo područje općine Maglaj. Imamo odvoz smeća na cijeloj općini Maglaja i još dosta ljudi toliko baca smeće i pravi divlje deponije i ovo je dobar primjer i veliki korak za našu općinu. Podržavamo ovu Odluku.

Zaključujem raspravu i dajem na glasanje

ZAKLJUČAK

5.1. Donosi se Odluka o zaštiti izvorišta vode za piće u slivu rijeke Bistrice općine Maglaj.

5.2. Sugerise se Službi da u što skorije vrijeme pripremi i dostavi prijedlog Odluke o zaštiti izvorišta vode za piće Misurići.

5.3. Na strani 10. obrazloženje pravnih rješenja „ Članom 11. stoji „Komunalnog javnog dobra“ a treba da stoji „Komunalnog javnog društva“.

Usvojeno sa 23 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić , Elvir Vehabović samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović (SDA), Mustafa Buljubašić (samostalni vijećnik).

AD – 6 Prijedlog Odluke o dodjeli na korištenje po osnovu zakupa prostorija dijela drugog sprata JU Dom kulture „Edhem Mulabdić“ Radio televiziji Maglaj d.o.o. Maglaj;

Otvaram raspravu

Vijećnik Adis Abdurahmanović, Klub vijećnika SDA prihvata prijedlog Odluke o dodjeli na korištenje po osnovu zakupa prostorija dijela drugog sprata JU Dom kulture „Edhem Mulabdić“ Radio televiziji Maglaj d.o.o. Maglaj, pod uvjetom da se u članu 2. ove Odluke definiše da OV donosi Odluku o visini zakupa i uvjetima zakupa i eventualnog privremenog raskidanja ugovora za prostore navedene u članu 1. ove Odluke između Općine i RTV Maglaj, a što znači da u slučaju kada OV donese Odluku RTV Maglaj će moći funkcionisati, bez eventualnih nikakvih pritisaka na rad ovog nezavisnog medija i preventivno djelovati u cilju što objektivnijeg informisanja i provođenja programske šeme RTV Maglaj. Ukoliko se ne prihvati ova sugestija Klub vijećnika SDA će biti suzdržan a ne protiv, kako se ne bi manipulisalo u javnosti da SDA vrši atak na ovaj medij a ne da se bori za što bolje uvjete rada ovog medija.

Vijećnik Hajrudin Ferić, ja sam mislio da će biti malo ozbiljnija rasprava nego što je ovo. Mene bi interesovalo i interesuje me kao vijećnika i dobro bi bilo da dobijemo nekad informaciju koliko Općina Maglaj ima ovakvih ili sličnih ugovora, koliki su finansijski efekti, gdje eventualno fulamo, gdje bi se moglo nešto uraditi, doraditi, gdje ima problema, a znam da ima i bilo je problema sa objektima koji su vlasništvo Općine itd. Nije loše da imamo nekad u narednom periodu jednu cjelovitu informaciju o tome. Ono što ja sad kao vijećnik ne bi volio ni zloupotrijebio ovu govornicu bilo šta drugo da govorim i kažem, vidim da je ovaj ugovor faktički identičan onim ugovorima koji su potpisani 2012.godine, što znači da su analogije moguće, ali analogije zaista ne bi trebale biti na ovom mjestu kad je u pitanju ova tačka dnevnog reda tako iritantna. Niti se ovdje radi o bilo kakvim, čak nema ni naznake o programskim uticajima, niti je moglo to da bude u ranijem periodu da bude. Pritisaka možda

ono u smislu nema nas više ili nema nas manje, ali to nema nikakve veze sa ovim ugovorom koji je čisto menadžerske prirode i ja ga takvog i tretiram. Ovdje igrom slučaja direktor RTV Maglaj i odgovorna osoba koja to može reći, a tu je i Načelnik kao menadžer administracije, ali što se tiče pritisaka mislim da su to malo demagoške parole.

Pauza za Klub SDA

Vijećnik Safet Jašić, stav Kluba SDA je što se tiče Odluke o dodjeli na korištenje RTV Maglaj, mi nemamo ništa protiv. Želimo uputiti čak kritiku autoru ove Odluke zašto se nije stavio raniji ugovor koji je bio potpisan također na sedam godina i samo radi usporedbe ili bar u jednom članu da je napisano da je ugovor identičan sa prethodnim ugovorom. Niko ne bi imao nikakve primjedbe, niti smo mi protiv toga bili. Prema tome, kritike su na ovako suhoparnu odluku. Vi trebate uvažavati naše prijedloge i mišljenja. Ovo mišljenje je zaista opravdano, ovo nije bio problem da se priloži stari ugovor ili da se kaže u jednom od članova da je identičan sa starim ugovorom. Zaključujem raspravu i dajem na glasanje

Z A K L J U Č A K

6.1. Donosi se Odluka o dodjeli na korištenje po osnovu zakupa prostorija dijela drugog sprata JU Dom kulture „Edhem Mulabdić“ Radio televiziji Maglaj d.o.o. Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 10 glasova uzdržano: Adis Abdurahmanović, Nedžad Alispahić, Selma Avdić, Edib Delić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik).

AD – 7 Periodični finansijski izvještaj Budžeta-Proračuna Općine Maglaj za period 01.01.-31.03.2019.godine;

Senada Alibajraktarević, u skladu sa članom 92. Zakona o Budžetima u FBiH i članom 18. Pravilnika o finansijskom izvještavanju i godišnjem obračunu u Općini Maglaj, Općinski načelnik podnosi Općinskom vijeću Periodični finansijski izvještaj Budžeta-Proračuna Općine Maglaj za period 01.01.-31.03.2019.godine. Kao što ste mogli vidjeti u materijalu ovaj Periodični fin. izvještaj podrazumijeva set od devet finansijskih izvještaja i u njemu ste mogli vidjeti da su prihodi i primici za navedeni period izvještavanja ostvareni u iznosu od 1.390.778,00 KM, rashodi i izdaci u iznosu od 1.059.303,00 KM. Zatim ste mogli vidjeti da izdvajanja novčanih sredstava iz tekuće budžetske rezerve za navedeni period izvještavanja nije bilo, a da je za period 01.01.-31.03.2019.godine u Budžetu/Proračunu Općine Maglaj za 2019. godine ostvaren suficit od 331.475,00 KM.

Otvaram raspravu

Vijećnik Mustafa Buljubašić, ja s obzirom da sam predsjednik Udruženja penzionera, zadužen od Skupštine Udruženja penzionera koja je održana početkom aprila i njihove odluke o radu udruženja, izvještaj o izvršenju rada, finansijski izvještaj, gdje je bilo prisutno 29 članova i 28 je glasalo za, jedan je bio uzdržan opravdano. Upravni odbor me je zadužio da se ovdje još jednom obratim zašto se obaveze prema penzionerima ne izvršavaju? Od mene traženi podaci su dostavljeni, da mi je dostavljen neki formular pa da ga ja popunim, vjerovatno bi ga i popunio, ali ja sam odlučio i dobio naređenje da se obratim jednim pismom kao vijećničko pitanje, ja ću se obratiti kroz vijećnička pitanja neću ništa govoriti, samo ću vam svima na sto podijeliti to pitanje, naravno i Službi koja je zadužena da dadne odgovor. I ovdje sad po ovom pitanju ne mora mi niko davati nikakav odgovor. Želim da kažem jedno, Udruženje penzionera, a da vidimo ko je to drugačije uradio, je za prva četiri mjeseca imalo umrlih svojih članova više nego za pola prošle godine 51. Sve porodice su uredno dobile novčanu pomoć iza umrlog, podijelili smo još 80 x 50,00 KM bolesnim i ugroženim za ova četiri mjeseca i podijelili smo oko 1.000 KM, onih paketa za obilazak porodica umrlih i bolesnim penzionerima. To je oko 16.000 KM. Članarine smo dobili 16.000,00 KM, znači kompletna članarina je otišla ponovo nazad našim članovima. Nemojte postavljati pitanje zašto se drugi ne učlane. Pola penzionera u Federaciji je učlanjeno, pola nije, ali to pola koristi Vladu FBiH u pozitivnom smislu, koristi Vladu kantona i svi oni znaju Udruženja penzionera i daju njima, savezima njihovima kao što su banje, pomoći itd. Svi koji nisu članovi treba da budu članovi, to piše i u mom pismu koje ću dostaviti kao vijećničko pitanje. Tražio sam i u pismu tražim da se ljudima sugerise da se učlane, da sve rade preko Udruženja kako se to radi i preko ostalih službi. Molim Službu određenu da ovo uzme u obzir, jer to nije ni dobro ni pošteno. Pare zna se, pravdanje mora biti. Ovo sam rekao 16.000 KM, strepim još danas i sutra koliko će još doći izjava odnosno Izvoda iz matične knjige umrlih, LK, ček od penzije itd. Mi to uredno radimo, bez obzira kako se prema nama radi. Koliko ćemo izdržati to je drugo pitanje, a radimo zahvaljujući ljudima koji su vodili, pa su malo uštedili i znali su da će doći vrijeme da nema. Vidite kolika je smrtnost, zato tražim, svi vi razmislite malo o tome da li ćete davati ili nećete davati. Moje je da to ovdje obrazložim. Ako je trebalo neke podatke trebalo mi je

dostaviti formular, jer ja sam kontaktirao i više niveoe i da mi se odgovori sa ovim pismom. Ja moram ovaj problem izdići na viši nivo. Ovo nije samo finansijskog pitanja, nego političko, a mi ćemo dokazati da je tako.

Vijećnik Mirza Bradarić, šefica Službe je većinu stvari iznijela što i mi imamo u materijalu. Međutim, ima ovdje još jedna rečenica koju bih pohvalio, iako znamo da je tek prvo tromjesečje iza nas, da su prihodi malo slabiji nego u nastavku godine. Ja moram istaknuti da su ukupne obaveze zaključno sa 31.12.2018.godine, kad su obaveze razgraničenja smanjene za 219 hiljada KM, tako da pored ove finansijske situacije i krize i svega ostalog da čestitam i na tom smanjenju svih obaveza i dugovanja. Klub SDP-a će prihvatiti ovaj Periodični finansijski izvještaj za prvo tromjesečje 2019.godine.

Vijećnik Safet Jašić, jasno je što se tiče Kluba SDA da mi nemamo uticaja i da ne možemo ništa promijeniti kada su u pitanju Budžet i poznato je da mi nismo podržali ni Budžet za 2019.godinu. Ne slažemo se sa raznim budžetskim politikama, ide tako kako ide i mislim da mi imamo dosta razloga da ne podržimo ovaj Periodični finansijski izvještaj za prva tri mjeseca.

Načelnik općine, samo par napomena da kažem da sa nivoom punjenja Budžeta u principu mogu biti zadovoljan, ako se uzme u obzir da su na višim nivoima vlasti bile odluke o privremenom finansiranju za prva 3 mjeseca. Danas smo imali na dnevnom redu i Odluku o komunalnoj naknadi koja će naknadno prouzrokovati pozitivne efekte punjenja Budžeta. Ima preko milion KM namjenskih sredstava koji će biti oprihodovani onda kada budu i realizovani na terenu, tako kad se to uzme u obzir onda je procenat značajno veći nego što je tu prikazan, ali prikazan onako kako treba da bude prikazan. Ono što hoću reći jeste da je dobra stvar da nema prispjelih neisplaćenih obaveza. To smo smanjili potraživanja. Naravno postoje određena potraživanja po sudskim presudama iz ranijeg perioda, one su u stotinama hiljada KM, neka od njih smo realizovali, neka će u narednom periodu biti realizovana, a kako su izgubljena neka nam je Bog na pomoći.

Vrlo kratko, vijećnik Buljubašić je rekao da ne treba odgovarati. I ne želim ništa posebno odgovarati, pitali ste zašto nije niko dao formular. Imate formular javnog poziva, ovdje smo iza govornice rekao da se obratite u službi, sve ćete dobiti koliko znam Služba vam radi program. Jedino vi od svih niste završili svoj posao. Sva ostala Udruženja vojna, civilna i sportska su svoj posao završili i svi već prihoduju sredstva iz Budžeta. To što vi svojom upornom tvrdoglavošću uporno odbijate da pomognete Udruženje penzionera, to je vaš problem. Trenutno je Eldina Mehinagić koja je zadužena za te stvari u bolnici, vratiti će se nadam se uskoro na posao, prema tome završite obavezu, radite u korist Udruženja i dobit ćete iz Budžeta novac koliko je planirano Budžetom za 2019.godinu, kao što i ostala udruženja će dobiti onako kako je komisija odredila za svakog od njih, a u skladu sa Budžetom za 2019.godinu.

Zaključujem raspravu i dajem na glasanje

ZAKLJUČAK

7.1. Usvaja se Periodični finansijski izvještaj Budžeta-Proračuna Općine Maglaj za period 01.01.-31.03.2019.godine.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 10 glasova protiv: Adis Abdurahmanović, Nedžad Alispahić, Selma Avdić, Edib Delić, Mirsad Bejić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

AD -8 Prijedlog Odluke o davanju saglasnosti za konačno imenovanje direktora JU Dom kulture „Edhem Mulabdić“ ;

Bilić Jasmin, uvodno izlaganje – Dana 18. Marta 2019.godine UO JU Dom kulture „Edhem Mulabdić“ Maglaj je na svojoj 15-oj redovnoj sjednici donio odluku o raspisivanju Konkursa za imenovanje direktora Doma kulture „Edhem Mulabdić“ Maglaj na mandatni period od četiri godine. Na istoj sjednici, a shodno članu 32. Pravila Doma kulture imenovana je konkursna komisija za provođenje konkursa za imenovanje direktora naše ustanove, u sastavu Alma Bradarić, predsjednik komisije, Zlatko Omerović, član komisije a ispred osnivača Općine Maglaj imenovana je Emina Hasanić. Na javni konkurs za imenovanje direktora JU Dom kulture „Edhem Mulabdić“ Maglaj kojeg shodno članu 8. Zakona o ministarskim, vladinim i drugim imenovanjima u FBiH objavljen u „Službenim novinama FBiH“, broj:21/19 od 03.04.2019.godine, u Dnevnim novinama „Oslobođenje“ od 05.04.2019.godine, web stranici Općine Maglaj i Oglasnoj ploči Doma kulture „Edhem Mulabdić“ Maglaj, prijavu u ostavljenom roku podnio je jedan kandidat. Nakon isteka roka za prijave, Komisija za provođenje konkursne procedure dana 22.04.2019.godine, otvorila je prijavu i konstatovala je da kandidatkinja Svjetlana Zamboni ispunjava potrebne uvjete tražene konkursom, pošto je ona bila jedini kandidata. Imenovanj je Komisija za izbor zakazala intervju za 24.04.2019.godine, nakon čega je Komisija sačinila zapisnik i predložila rang listu, pisanu preporuku, kao i pitanja koja će se postaviti kandidatkinji na intervju. Prijavljena kandidatkinja je ušla u užu izbor

obzirom da ispunjava opće i posebne uvjete utvrđene javnim konkursom. Komisija je nakon provođenja intervjua i utvrđivanja rang liste dostavila zapisnik UO, a UO na dalje postupanje. Shodno svemu gore navedenom UO od Općinskog vijeća Maglaj, kao odgovornog javnog službenika nakon provedene zakonske procedure, a shodno članu 12. Zakona o ministarskim, vladinim i drugim imenovanjima u FBiH traži saglasnost za konačno imenovanje Svjetlane Zamboni za direktora JU Dom kulture „Edhem Mulabdić“ Maglaj.

Otvaram raspravu

Vijećnik Safet Jašić, vama je poznato kad je u pitanju Klub SDA odnosno ovakvi materijali koji dolaze pred samu sjednicu i mi imamo stav po ovom pitanju, po bilo kojim materijalima i ranije se događalo ovakvih stvari i mi ne želimo da učestvujemo u radu ove tačke kada se radi o imenovanju direktora JU Dom kulture. Do završetka ove tačke mi ćemo napustiti ovu sjednicu, a poslije se vraćamo.

Pauza za samostalni Klub

Dopredsjedavajući, u ovom trenutku imamo 13 vijećnika što znači da možemo da radimo i da nastavimo tamo gdje smo i stali.

Vijećnik Fikret Delić, prije mjesec-dva imali smo sličnu odluku kad je imenovana direktorica JU „Dječiji vrtić“ Maglaj, ne vidim ni jedan razlog da ne podržimo i ovu odluku ista je, sve je isto. Ako je to sve kako kaže gospodin Bilić odrađeno po zakonu, Klub će glasati za ovu Odluku.

Vijećnik Mustafa Bešić, što se tiče ovog prijedloga naš Klub nije bio do sad upoznat. Dobili smo materijal na sjednici OV. Mislim da nije u redu, činimo koalicionu većinu i trebali smo biti poznati na vrijeme prije, a ne na sjednici OV. Neće biti sporno da podržimo, ali mislim da se trebamo uvažavati svi ovdje. Hoću radi javnosti da kažem, nismo bili poznati, kako je to član Komisije iznio da je to po proceduri neka ide. Slijedeći put ako mi ne budemo poznati, ovakve stvari mi nećemo podržati.

Načelnik općine, u petak je došao ovaj prijedlog od strane UO, dakle moglo se čekati i za narednu sjednicu. Zašto je ubrzano stavljeno, čisto zato što mi praktično nemamo direktora Dom kulture. Dom kulture će biti nosilac aktivnosti „Studentsko ljeto“ i zbog toga nam je bitno da ovaj mjesec dana do naredne sjednice iskoristimo zbog tih aktivnosti. Ko je pratio medije formiran je i organizacioni odbor za realizaciju programa manifestacije „Studentsko ljeto“ i to je jedini razlog zbog čega je nešto što je petak došlo od strane UO predloženo danas na sjednicu.

Zaključujem raspravu i dajem na glasanje

Z A K L J U Č A K

8.1. Donosi se Odluka o davanju saglasnosti za konačno imenovanje direktora JU Dom kulture „Edhem Mulabdić“.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici.

Vijećnici SDA su se vratili u salu tako da Vijeće radi sa 23 vijećnika.

AD – 9 Izvještaj o radu KJD doo Maglaj za period 01.01. – 31.12.2018.godine;

Otvaram raspravu

Vijećnik Firuz Galijašević, Klub SDP-a će podržati Izvještaj o radu KJD doo Maglaj za period 01.01. – 31.12.2018.godine, kao ekstra dobar. Mislim da nema potreba da hvalimo šta je sve KJD uradilo, a samo ljubomorni i oni koji ne izmiruju svoje obaveze prema KJD, kada su u pitanju njihove usluge mogu nešto reći protiv. Koristim priliku da se zahvalim direktoru KJD gospodinu Mehmedu Bradariću za brzo djelovanje kada je u pitanju uređenje prostora oko spomen obilježja u MZ Moševac, u mojoj MZ iz koje ja dolazim, za postavljanje kanti i vaza i cvijeća, uglavnom hvala vam puno.

Vijećnica Šefka Hasanić, prije iznošenja stava Kluba SDA napomenut ću dopredsjedavajućeg na obavezu kada najavimo da ćemo se vratiti, obavezni ste da sačekate da se mi vratimo i sjednemo na svoja mjesta a ne da mi ulazimo, a vi već u pola tačke dnevnog reda se dešava situacija.

Klub vijećnika SDA ne prihvata Izvještaj o radu KJD doo Maglaj za period 01.01. – 31.12.2018.godine iz razloga što bez obzira na zatečena izuzetno visoka novčana sredstva u 2018.godini KJD nije ništa uradilo na smanjenju gubitaka u vodovodnoj mreži u 2018.godini, nije ništa urađeno kad je u pitanju sanacija i proširenje kanalizacione mreže i niz drugih propusta u radu koje ne bismo ponovo nabrajali, npr. zimsko održavanje.

Vijećnik Mustafa Bešić, naš Klub će podržati izvještaj o radu KJD d.o.o. Maglaj za period 01.01. – 31.12.2018.godine. KJD pravi fantastične rezultate to se vidi napolju i to treba podržati i pohvaliti. Želim da pohvalim menadžment firme, direktora, posebno radnike KJD bez njih ništa, oni su ko pčele radilice.

Vijećnik Hajrudin Fermić, izvještaji i programi rada, u ovom slučaju nemamo Program rada na razmatranju, ali godinama ovakvom metodologijom na OV prolaze sa dva-tri diskutanta i uglavnom manje više ostajemo svi

nedorečeni. Ono što bi trebalo i te kako ozbiljno pristupiti svakoj analizi svačijeg izvještaja da li ustanove ili preduzeća ne zbog politike, dnevne, nego prije svega kako bi smo izvukli određene pouke i zaključke, da ako je dobro ostane dobro sa mogućnosti poboljšavanja, da bude bolje za građane, te usluge, ako je nešto loše da pokušamo pomoći, na kraju krajeva mi smo osnivači da se ti problemi i teškoće savladaju. Konkretno, moram se vratiti na izvještaj o radu KJD i onda dobar dio mojih kolega je iznio niz pohvala na rad KJD u protekloj godini. Ne smijemo mi ni zbog javnosti, a da ne pomenemo ovdje upravo zbog neke žurbe, ne smijemo mi da ne pomenemo da je u eri izuzetno teških uslova poslovanja JP, maglajsko JP i jedno pa i drugo poslovalo pozitivno. Dakle, bez obzira što je to nama normalno i što mi to očekujemo tako činjenica je da zaista je to veliki uspjeh. Ne trebamo mi daleko ni ići, evo do Zenice pa da vidimo šta se dešava sa nekim JP i kakve su sve situacije. Ono što je takođe važno zabilježiti kao izuzetno dobru stvar, ovo govorim sa aspekta građana, ne da podilazim niti nama ovdje, niti većini, niti direktoru, to je postignut visok nivo tih usluga i kvaliteta usluga i radova i toliko je napravljen visok standard da je bilo kome teško prestići u budućnosti a ja se nadam da će KJD u kvalitetu svojih usluga da ostane na ovako visokom nivou, sa tako visokom ljestvicom. Ono što je važno napomenuti ovdje, da je povećanje obuhvata broja domaćinstava organizovanim prikupljanjem otpada samo za godinu dana veće za 1.100 KM. Ja ću vam reći da je za četiri godine od 2014. godine kada je bilo 3.950 došlo na ovih 5.937 korisnika. Ogroman broj domaćinstava koji je u organizovanom prikupljanju otpada. Ono što je takođe pozitivno, što je izuzetno velika stvar, to je povećanje naplate dugovanja za 128.000 KM, veće nego što je bilo. Također je važno da pošaljemo poruku građanima, da je zdravstvena ispravnost vode za piće 100% ispravna u svih onih 200 pregleda ne samo interne kontrole, nego i Instituta za zdravlje pa i drugih institucija što za druge vodovode oni koji prate, ja pratim svake mjesečne izvještaje Instituta za zdravlje gradske vodovode, seoske vodovode, ovo je zaista izuzetno važno i važno je sa ove govornice da se napomene zbog onih zlih jezika koji uporno da li zbog konkurencije, da li zbog nečeg drugo govore kako voda iz KJD ne valja. 100% zdravstveno ispravna, gdje god je gradski vodovod u OŠ za razliku od svih drugih vodovoda koji nisu na ovom vodovodu priključeni, govorim za općinu Maglaj. Ono što se odradilo u 2018. godini jeste taj pionirski posao na uklanjanju divljih deponija. Ono što se odradilo zaista kvalitetno i dobro jeste zaštita radnika u smislu HTZ opreme i materijalnih sredstava izuzetno je dignuto na visoki nivo. Ono što je važno napomenuti da KJD prati akcije, praznike, određene događaje itd. i naš grad i meni kao i svima vama kad kažu zaista je uređen, lijep i čist, imponuje mi i to je jedna od tih veličina. Međutim, evo preskačem sad dobre stvari, ali idem na ono što mene pomalo i zabrinjava kad je u pitanju i poslovanje KJD, poslovanje i drugog preduzeća pa i drugih ustanova, to je da troškovi rastu. Rastu kroz ulaganja u stalnu opremu u stalna sredstva, u nove ljude, očekivanja dodatnih troškova, problematika „Nekolja“ ulaganja u pijace, u parkinge itd. Sve ovo da ponovo odbacim, kad se uporedi sa nekim finansijskim parametrima iz ranijih godina i sa nekim mojim procjenama i političkog subjekta iz kojeg dolazim ipak ne da nam za pravo, a da ne progovorimo ovdje koju rečenicu kako da osiguramo stabilno poslovanje KJD u narednom periodu, a opet na zadovoljstvo svih građana. Problema ima more, problema koji su i pomenuli od gubitka vode i kako je naveden 48% problema sa mliječnom pijacom i sa ovom pijacom, problema sa otežavajućim uslovima prikupljanja otpada itd. Ono što je takođe važno, idem na neke prijedloge zaključaka, ono što je takođe važno reći je da se neće moći pratiti ovi troškovi ako se ne bude pratilo i sa prihodima i sa povećanjem prihoda. Prihodi se ovdje stiču koliko ja znam i po zakonu i vidim ovdje i po izvještajima, što po osnovu naplate komunalnih usluga individualne potrošnje, dakle to su izvorni prihodi voda, smeće, kanalizacija, pijaca itd. što po osnovu osiguranja uslova komunalne zajedničke potrošnje, a to je održavanje javne čistoće itd. Mi i u ovom izvještaju imamo neke parametre koliko koja od ovih djelatnosti ima prihode i kolike otprilike rashode i ono što je jako bitno i karakteristično jeste da mi od 2003. godine, barem koliko ja pratim ove sjednice OV, a pratim ih od 2009. godine, to je punih deset godina, nisu imali na svom dnevnom redu taj kalkulator, odnosno ekonomsku računicu pojedinih usluga za pojedine djelatnosti, kako individualne potrošnje tako i zajedničke potrošnje. Taj kalkulator je po zakonu obavezan i mora ga Vijeće na određeni način i kroz određene oblike i usvojiti. Neću da govorim o troškovima i o svemu ostalom. Predlažem samo neke zaključke iz najboljih i najargumentovanijih razloga.

Da Nadzorni odbor KJD uz podršku menadžmenta u roku od 60 dana, tri su upitnika ovdje, sačini analizu troškova po stavkama i djelatnostima u KJD uključujući sve parametre za izračunavanje kalkulaturnih troškova po slijedećim stavkama:

- Fiksni troškovi, radna snaga, gorivo, električna energija, administrativni troškovi, amortizacija, drugi varijabilni troškovi po zonama i rejonima općine Maglaj. Procijenjeni prihodi na bazi analitičkih parametara za svaku djelatnost za period od godinu dana. Potrebe ulaganja u stalna sredstva i komunalnu infrastrukturu za period od jedne godine i tri godine kako bi KJD zadržala svoj trend pozitivnog poslovanja, odnosno daljnjeg ulaganja u kvalitet pružanja usluga. Da se izvrši analiza i na osnovu toga procjena unutrašnjih resursa za uštede i kontrolu rashoda, kao i izdataka koji nisu u obavezi KJD Maglaj. Da se izvrši analiza dosadašnjeg, a na osnovu toga procjena budućih prihoda po osnovu pružanja usluga trećim licima;

Da načelnik odnosno nadležne Službe u okviru svojih ovlaštenja i nadležnosti i u saradnji sa Nadzornim odborom i direktorom KJD pravovremeno izvršavaju svoja prava i obaveze a na zadovoljstvo korisnika usluga te da iznađu načina da se problematika ulaganja u komunalnu infrastrukturu (sanacija vodovodne mreže, opremanje pijačnog prostora, sanacija Nekolja) uvrste u prioritete projekte kandidovanja prema drugim organima i institucijama, kao

i da se sagledaju mogućnosti realnog i potrebnog stepena subvencioniranja komunalnih usluga za određene kategorije stanovništva Maglaj, a kao što se i kroz zakon i kroz praksu mnogih općina već odavno dešava. Općinsko vijeće Maglaj, nakon izrade prijedloga kalkulativnih modela, analiza i procjena i prezentiranog mišljenja Službe odnosno Načelnika razmatrati dokument pod nazivom „Analiza pružanja komunalnih usluga povjerenih na obavljanje KJD Maglaj sa prijedlogom mjera.

Ne znam koliko sam prekaradašio, ali sam stvarno pola toga odvodio.

Načelnik općine, ja sam izašao samo da se zahvalim svim uposlenicima KJD koji zaista postižu dobre rezultate, naravno menadžmentu na čelu sa direktorom Mehmedom Bradarićem. Iznijeto je ovdje niz razumljivih rezultata, dokazanih rezultata, prijedloga o unapređenju, sve su diskusije bile kvalitetne, one koje su dobronamjerne i ja vjerujem da ćemo u narednom periodu zajedničkim djelovanjem i Općine i KJD i NO KJD razmotriti niz ovih šakljivih tačaka. Postoji sigurno tamo dio aktivnosti iako nije profitabilno preduzeće po svojoj lokaciji KJD ,ali postoje i one operacije, radnje koje vjerovatno stvaraju određeni gubitak ne mogu se izfinansirati iz onog dijela koji je predviđen, ali sve ukupno stanje, kad se uzme u obzir sve što je radilo KJD rezultat je pozitivan. Ono što niko ovdje nije pomenuo jeste koliko je samo u prošloj godini mehanizacije nabavljeno od strane KJD što je zaista za pohvaliti i što je nabavljeno i što postoji takvo opredjeljenje u razmišljanju kada je u pitanju mehanizacija. Ono što jeste procenat velik, ali je generalno velik u svim općinama je gubitak vode. Na tome ćemo raditi u narednom periodu. Nažalost, prošle godine su nas zakinuli za vodne naknade, nadam se da ove godine neće. Planirali smo tri dionice unutar grada da se rekonstruiše vodovodni sistem što bi svakako smanjilo gubitke vode, a time omogućilo da se ta količina vode koja je uhvaćena preda potrošačima na drugim lokacijama. Vjerovatno znate da od skoro i „Natron-Hayat“ je korisnik KJD, dakle pitke vode. Voda je došla preko rijeke Bosne do „Natron – Hayat“. Odatle ćemo je vjerovatno ove godine provesti za prvu zonu Liješnice barem do Poslovne zone na kojoj se trebaju započeti radovi na terenu i da kažem ove zlonamjerne konstatacije da KJD nije radilo ništa na poboljšanju sistema kanalizacije i vodovoda. Dakle, KJD sve ove godine nije na tome ni radilo, nego radi Općina Maglaj kao što je radila i prije, tako da je i prošle godine uloženo i u vodovodni sistem i u kanalizacioni sistem i ulaže se i ove godine. Općina je od početka godine već investirala 70.000,00 KM u razvoj vodovodnog sistema u Poslovnoj zoni Misurići i nastaviti ćemo to kako sam rekao i u Poslovnoj zoni Liješnica i naravno kanalizacioni sistem u dijelu Misurića. Ide to svojim tokom. Hvala još jednom i čestitam na izvještaju i postignutim rezultatima.

Mehmed Bradarić, ja sam se potrudio da u ovom Izvještaju piše sve i ja vjerujem da je i razumljiv izvještaj i piše sve, tako da se neću posebno truditi da bilo šta objašnjavam. Dakle, preduzeće, društvo 2018.godinu završilo je pozitivno, nismo nikome ništa dužni. KJD nije nikome ništa dužno, čak ni radnicima, a prilično toga smo naslijedili. Prema nama su dužni veliki broj dužnika, piše to u materijalu 1 milion i 33 hiljade su građani dužni. Nažalost, dobar dio tih sredstava nećemo nikada naplatiti greškom onih koji se zavaravaju da rade dobro ili bolje po tom pitanju. Trebali bi štititi kad su u pitanju dugovanja, jer nekima je istekao rok, svi rokovi su istekli, neki ljudi ne postoje, neke firme ne postoje i nikada to nećemo naplatiti greškom prethodnog menadžementa. Mi smo napravili program, ono što sam samo u jednoj rečenici naveo, mi od 1. Maja, funkcionisat će naš program koji će upozoravati ljude da ukoliko ne plate jedan ili dva računa, mi ćemo ići sa prijedlogom izvršenja, tako da smo mi ta dugovanja već u priličnoj mjeri smanjili. Inače ovaj izvještaj finansijski, to je igra brojeva, ali mi smo i više uspjeli vratiti tih sredstava, ali s obzirom da imate nove korisnike imate nove račune itd. možda tajminzi nisu dobri, pa je taj dio sredstava vraćenih manji. Dakle, radili smo čitavo vrijeme na opremanju firme, užasno je bilo, gore je bila bara, gore smo imali skiper muzejski, a KJD bez skipera ne može ništa, bez mašina ne može ništa i mi smo zahvaljujući svemu tome i onih kamiončića malih povećali broj korisnika i on je oko 6000, ali ja vam mogu reći da smo se ovih dana popeli na gotovo 6.500. To je gotovo kraj, mi nemamo više neregistrovanih, ne evidentiranih ljudi po mjesnim zajednicama, kao što je bilo neću reći da je ciljano, ali bilo je i toga, bilo je ljudi koji nisu uvršteni, nisu evidentirani i jednog dana ćemo vrlo brzo pošto završavamo program izaći u tome na našoj web stranici, izaći ćemo sa onim ljudima koji su dužni da plaćaju. Opet kažem penzioneri su redovne platiše, ljudi slabijeg imovnog stanja su platiše, ali velika većina onih ljudi koji imaju pare, koji se kreću po Europi ne plaćaju, ali ja vam kažem da ćemo za početak njih rješavamo na taj način procedurama koje postoje, ali ćemo izaći u javnost samo da budemo sigurni u tome. Dakle, mi završavamo program. Sve druge aktivnosti, prihode smo povećali za 15%, rashodi su povećani, morate kupiti opremu, imali smo gore kamione čije su krajnice vezane žicom šesticom. Ne krivim mog majstora Ibru mehaničara, nego krivim politiku koja je to radila, imali ste kamione, a u stvari niste imali gore i u njima su se legle žabe, zmijske itd. Danas toga mi nemamo, mi u ovom trenutku nemamo neispravnih mašina, imamo stare mašine i koja će se možda za sat vremena pokvariti, ali u ovom trenutku nemamo neispravnu mašinu na koju možemo računati i ono što je jako važno, došli smo svima gotovo pred kuću. Ljutili su se ljudi što plaćaju smeće a nemaju i eto jednostavno došli smo blizu njih. Hvala svima koji ovo prepoznaju, koji hvale, mi se trudimo i držimo se ovog programa i higijene i zelenila i tako će biti i u 2019.godini. Visoka sredstva naslijedena, ja sam rekao prošli put i u kući možete imati para ako ne kupite brašno, so, hranu, ne platite obavezu, odjeću itd. ali opet kažem u ovom trenutku nemamo puno manje para nego što smo zatekli. Gotovo otprilike isto uz sve ovo 311.000 KM je bilo ulaganja u mašine itd. i hodam i ja, nismo samo u urbanom dijelu. Nismo u gradu, trudimo se da po svim mjesnim zajednicama opravdamo povjerenje. Što se tiče

vodovoda Načelnik je objasnio, ali mi smo to zatekli i evo ove godine 2018. godine ili 2017. godine započeto da je nešto rađeno, a ovo sve ostalo je naslijeđeno. Što se tiče zimskog održavanja, ja sam svagdje bio, čak smo i pismene i javne pohvale dobijali, nisam čuo na širem području općine Maglaj, da je ikada bolje zimsko održavanje bilo uz onu mehanizaciju koju smo imali i sad smo se malo i popravili i sad će to biti bolje. Ja neću reći je li bio problem na šeherskom kraju, neki kažu da jeste, ali većina kaže da nije, tamo u odluci stoji da vi morate prohodnost uspostaviti od 6-24 sata, to je bilo i prije uspostavljeno prije tog termina, da li je to dovoljno kvalitetno treba uzeti u obzir i uslove koji su bili. Bila je 42 dana strašna zima, januar je bio čitav snjegovit, leden itd. a za razliku od 2017. godine kada smo sadili lipe, platane itd.

Vijećnik Mustafa Bešić, promaklo mi je, pitaju me mještani i ljudi na ulicama oni „zeleni“ što se u proljeće aktivira po mjesnim zajednicama, da li će biti i ove godine da se ljudi zaposle ili načelniku pitanje, volio bih zbog javnosti da se dogovori.

Načelnik općine, program „zelenih“ nije program samo Općine Maglaj, to je zajednički projekat koji smo sufinansirali prošle godine zajedno sa UNDP-i i očekujemo i ove godine priliku da to isto realizujemo. Ukoliko ne bude bilo takvih projekata, opet ćemo od strane Budžeta ono sredstava što imamo na raspolaganju preusmjeriti da se radi na terenu kako je rađeno i prošle godine. Vjerovatno će biti nekih manjih izmjena, ali u svakom slučaju će biti.

Zaključujem raspravu i dajem na glasanje

Z A K L J U Č A K

9.1. Usvaja se Izvještaj o radu KJD d.o.o. Maglaj za period 01.01.-31.12.2018. godine.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 9 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

9.2. Da Nadzorni odbor KJD uz podršku menadžmenta u roku od 60 dana sačini analizu troškova po stavkama i djelatnostima u KJD uključujući sve parametre za izračunavanje kalkulativnih troškova po slijedećim stavkama:

- Fiksni troškovi, radna snaga, gorivo, električna energija, administrativni troškovi, amortizacija, drugi varijabilni troškovi po zonama i rejonima općine Maglaj;
- Procijenjeni prihodi na bazi analitičkih parametara za svaku djelatnost za period od godinu dana;
- Potrebe ulaganja u stalna sredstva i komunalnu infrastrukturu za period od jedne godine i tri godine kako bi KJD zadržala svoj trend pozitivnog poslovanja, odnosno daljnjeg ulaganja u kvalitet pružanja usluga;
- Da se izvrši analiza i na osnovu toga procjena unutrašnjih resursa za uštede i kontrolu rashoda, kao i izdataka koji nisu u obavezi KJD Maglaj;
- Da se izvrši analiza dosadašnjeg, a na osnovu procjena budućih prihoda po osnovu pružanja usluga trećim licima;
- Da načelnik odnosno nadležne Službe u okviru svojih ovlaštenja i nadležnosti i u saradnji sa Nadzornim odborom i direktorom KJD pravovremeno izvršavaju svoja prava i obaveze a na zadovoljstvo korisnika usluga, te da iznađu načina da se problematika ulaganja u komunalnu infrastrukturu (sanacija vodovodne mreže, opremanje pijačnog prostora, sanacija Nekolja) uvrste u prioritete projekte kandidovanja prema drugim organima i institucijama, kao i da se sagledaju mogućnosti realnog i potrebnog stepena subvencioniranja komunalnih usluga za određene kategorije stanovništva Maglaj, a kao što se i kroz zakon i kroz praksu mnogih općina već odavno dešava;
- Općinsko vijeće Maglaj, nakon izrade prijedloga kalkulativnih modela, analiza i procjena i prezentiranog mišljenja Službe odnosno Načelnika razmatrati dokument pod nazivom „Analiza pružanja komunalnih usluga povjerenih na obavljanje KJD Maglaj sa prijedlogom mjera.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 9 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

9.3. Ovlašćuje se Predsjedavajuća da da saglasnost opunomoćeniku ispred državnog kapitala da glasa za ovaj Izvještaj o radu KJD d.o.o. Maglaj, za period 01.01.-31.12.2018. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 9 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

U vrijeme glasanja u sali nije prisutan vijećnik Edib Delić

Pauza za ručak 40 minuta

AD – 10 i 11. Izvještaj o radu JP „Veterinarska stanica“ Maglaj za 2018.godinu;
Program rada JP „Veterinarska stanica“ Maglaj za 2019. godinu;

Dopredsjedavajući, predlažem da Izvještaj i Program diskutujemo kao tačke a i b da malo ubrzamo. Mi smo se na Kolegiju dogovorili kad su ovi Izvještaji u pitanju, ne prozivamo i ne pitamo direktore, odnosno članove UO ili NO da li imaju kakvo uvodno izlaganje jer što su imali to su i napisali. Naravno poslije rasprave može odgovoriti i dodatno nešto pojasniti.

Otvaram raspravu

Vijećnik Hajrudin Ferić, stav DF je da ćemo mi prihvatiti Izvještaj za 2018. i Program rada za 2019.godinu JP „Veterinarska stanica“, ali moramo, da zapazim da je izvještaj štur i slabo se iz njega može pročitati više o djelatnostima kojima se bavila Veterinarska stanica u prošloj godini. Iskreno ne znam razlog šta je to, ali iz onoga što smo dobili u materijalima može da se vidi slijedeće: Dobro je što je pozitivno poslovanje zabilježeno, što su prihodi po osnovu prodaje roba i učinka vlastiti prihodi veći u odnosu na prethodnu godinu za 30.000 KM i dobro je da je radio i Nadzorni odbor u cjelini kroz svoje napore koje je dao i koji su primjetni i vide se na donošenju akata, odnosno u cilju postavljanja Veterinarske stanice kao JP u zakonite okvire sa svim onim neophodnim aktima, dokumentima koje mora da ima preduzeće. Još jedna opaska usput, ja sam to pomenuo i na Kolegiju i sad sugerišem i ovdje da prije razmatranja izvještaja i programa i JU i JP insistiramo na obaveznom mišljenju službi, administracije u čijoj je nadležnosti to preduzeće ili ta ustanova. Ovo govorim i za KJD, po karakteru svoje djelatnosti to je Služba za urbanizam, po djelatnosti Veterinarske stanice to je u Službi za privredu, za ustanove smo dobili jednim dijelom, za drugi dio nismo, ali neka to bude praksa kakva je i bila čak i zakonski obavezna da imamo mišljenje uz to.

Postavljamo pitanja jer ne vidimo iz Izvještaja šta je sa veterinarskim uslugama, ima li u Maglaju bruceloze, kakva je situacija sa preventivnim pregledima i zaštiti od bolesti životinja, radi li se preventivna cijepljenja, kako se i šta radi, eventualno ako se radi na unapređenju stočnog fonda, na sterilizaciji, kastraciji, na neškodljivom uklanjanju otpada i životinjskih leševa? Evo jedan podatak, da nema Veterinarske stanice Maglaj kao korisnika sredstava iz ZDK koje oni redovno izdvajaju za eutanaziju i uklanjanje oboljelih životinja. Pitanje kako OV može svojim angažmanom, svojim kompetencijama da sadašnjim i novim odlukama pomogne Veterinarskoj stanici i građanima da unaprijede svoju djelatnost odnosno pružanje usluga građanima i drugim zainteresovanim sa područja općine. Znamo da postoje odluke, između ostalog jedna od tih stvari je Odluka o uslovima i načinu držanja kućnih ljubimaca i postupanja sa napuštenim i izgubljenim životinjama gdje su općinska vijeća u pojedinim općinama propisala prava i obaveze, ali i naknade za te usluge koji su izvorni prihodi praktično Veterinarskih stanica, a u isto vrijeme i propisali sankcije za neodgovorne, a takvih u Maglaju zaista ima puno i za neodgovorne koji postupaju prema svojim kućnim ljubimcima itd.

Dakle, ono što smo zapazili također, a mislim da dijelim stav većine da ne bi smjeli i ne bi trebali da se zadovoljavate vi u Veterinarskoj stanici sa tako malim plaćama, bez obzira na sve teškoće i sve one naslijeđene probleme koje imate i da vam to mora biti jedan od prioriteta zajedno sa povećanjem vaših usluga i svega onoga što je zakon propisao. Dakle, u prijedlogu zaključaka ponovit ćemo mi isto da se u roku od 60 dana Nadzorni odbor i menadžment daju nama jednu analizu o Veterinarskoj zaštiti na području općine Maglaj sa prijedlogom mjera i zaključaka za unapređenje a to sve u cilju da se pomogne Veterinarskoj stanici, a kroz to pružanjem kvalitetnih usluga pomognemo građanima pa i razvoju poljoprivrede itd.

Vijećnica Muminović Ermina, stav Kluba vijećnika SDA ne prihvata Izvještaj o radu JP Veterinarska stanica Maglaj za 2018.godinu, kao ni Program rada za 2019.godinu.

Dženana Bočić, predsjednica NO JP „Veterinarska stanica“ Maglaj, prihvatamo kritiku gospodina Ferića i ostalih da jest Izvještaj prilično kratak. Njime smo htjeli samo kratko da kažemo ono što se dešavalo tokom 2018.godine, a o čemu ste bili detaljno na prethodnim sjednicama upoznati. Znači, protekla godina nam je bila u znaku usklađivanja naših akata sa zakonom počevši od Statuta, Odluke o osnivanju, upis u sudski registar, licenci za rad, Etički kodeks, a također usklađivanje ugovora o radu sa zakonom. Pored svega toga, direktor, moram pohvaliti cjelokupan kolektiv Veterinarske stanice, a posebno direktora koji je bili smo non-stop u kontaktu i dosta je svog slobodnog vremena žrtvovao za rad, a na osnovu toga se vide rezultati Veterinarske stanice, znači pored planiranih prihoda, ostvarili smo 20% više od planiranih prihoda, dok su rashodi povećani samo za 3%.

Znači u Izvještaju smo se više bazirali na same stavke finasnijskog plana da se vidi šta je to najviše utrošeno, to je naravno energija i gorivo, pošto je većinski rad na terenu Veterinarske stanice, a što se tiče nekih opširnijih detalja njihovog rada, to vam u svakom slučaju može dati direktor, da li sad ili kroz prijedlog u roku od 60 dana možemo to detaljnije izanalizirati.

Što se tiče plana za 2019.godinu, napravili smo ga u odnosu na ostvarenju u 2018.godini. Planiramo neka investiciona ulaganja, opremanje hirurške sale, pokretanje smještaja pasa lualica u skladu sa kapacitetom Veterinarske stanice i slične aktivnosti. Također ćemo u roku od 60 dana dostaviti prema prijedlogu detaljnije aktivnosti kojim se Veterinarska stanica treba i hoće baviti.

Zaključujem raspravu i dajem na glasanje

Z A K L J U Č A K

10.1. Usvaja se Izvještaj o radu JP „Veterinarska stanica“ Maglaj za 2018.godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 9 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik).

10.2. Da Nadzorni odbor sačini Analizu o veterinarskoj zaštiti na području općine Maglaj sa prijedlogom mjera i zaključaka za unapređenje, koje bi vijeće najkasnije u roku od 60 dana razmotrilo na svojoj sjednici.

- Fiksni troškovi, radna snaga, gorivo, električna energija, administrativni troškovi, amortizacija, drugi varijabilni troškovi po zonama i rejonima općine Maglaj;

- Procijenjeni prihodi na bazi analitičkih parametara za svaku djelatnost za period od godinu dana;

- Da se izvrši analiza i na osnovu toga procjena unutrašnjih resursa za uštede i kontrolu rashoda, kao i izdataka koji nisu u obavezi Veterinarske stanice Maglaj;

- Da se izvrši analiza dosadašnjeg, a na osnovu toga procjena budućih prihoda po osnovu pružanja usluga trećim licima;

- Da načelnik odnosno nadležne Službe u okviru svojih ovlaštenja i nadležnosti i u saradnji sa Nadzornim odborom i direktorom Veterinarske stanice Maglaj pravovremeno izvršavaju svoja prava i obaveze, a na zadovoljstvo korisnika usluga.

- Općinsko vijeće Maglaj, nakon izrade prijedloga kalkulativnih modela, analiza i procjena i prezentiranog mišljenja Službe odnosno Načelnika razmatrati dokument pod nazivom „Analiza pružanja veterinarskih usluga sa prijedlogom mjera.

11.1. Usvaja se Program rada JP „Veterinarska stanica“ Maglaj za 2019. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 9 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

AD – 12. i 13. Izvještaj o radu JU Centar za socijalni rad Maglaj za 2018.godinu;

Program rada JU Centar za socijalni rad Maglaj za 2019.godinu;

Otvaram raspravu

Vijećnik Nedžad Lokmić, u ime Kluba vijećnika SDP-a iznijet ću kratak osvrt na rad ove ustanove. Zadovoljstvo mi je primjetiti da je Izvještaj zaista detaljan, urađen onako kako to procedure nalažu i mora se priznati da se ljudi na čelu sa novom direktoricom nose sa ozbiljnijim problemima, situacijom u društvu koja ne pogađa samo općinu Maglaj, nego i naš kanton, federaciju pa i državu u cjelini. Vidjeli ste detaljno obrazložene podatke koji ponekad ohrabre, ponekad razočaraju, cifre govore nažalost tome recimo kad se tiče nasilja nad djecom, nasilja u porodici, pojedini slučajevi to pokazuju, odnosno pokazatelji da se i taj broj povećava. Oni se uspješno nose sa time i sam podatak da neki od tih incidenata su procesuirani ide u prilog tome da oni svoj posao rade kako treba. Ako se ne varam, 27 slučajeva odnosno prijava nasilja u porodici, razlog najčešće neslaganje, alkoholizirano stanje, problem alkoholizma u porodici itd. koji oni nastoje riješiti. Pomažu i sjećam se podatka u posredovanju pri brakorazvodnim parnicama, oni su dužni provesti tzv. Postupak mirenja, ako se ne varam. 31 slučaj je takav i to ide u prilog tome, tužnoj činjenici da se i sve više brakova razvode na našoj općini. U ime Kluba SDP-a želim

istaći da ćemo podržati ovaj Izvještaj sa željom da nastavite uspješan rad da uspijete u svojoj nakani rješavanja ona tri ako se ne varam akutna problema, a to su obezbjeđenje još jednog socijalnog radnika, jednog psihologa, a i logopeda koji vam je i te kako potreban. Ako bude trebalo tu smo, poradite malo i na sistematizaciji radnih mjesta, ako vam treba dajte zahtjev učinit ćemo sve da vam se i taj prijem tog radnika omogući. Izvještaj prihvatamo kao i Program rada za 2019.godinu. Još jednom čestitke i direktorici i menadžmentu.

Vijećnica Šefka Hasanić, stav Kluba vijećnika SDA i mi smo mišljenja da ova Ustanova se ne sreće sa nekim lijepim situacijama životnim pričama naših sugrađana, s obzirom i na njihov otežan rad, Klub vijećnika SDA prihvata Izvještaj o radu kao i Program rada za 2019.godinu, s tim da bi imali jednu konstataciju da su plate kad već dopredsjedavajući pomenuo je plate u Veterinarskoj stanici, plate u Centru za socijalni rad nisu izjednačene sa ostalim budžetskim korisnicima i javnim ustanovama na području općine Maglaj, pa ako ima prostora u Budžetu a vidjeli smo po periodičnom izvještaju za prvi kvartal 2019.godine da je bilo nekog suficita, da se razmisli o tome, ako ne da se u Budžetu za 2019.godinu planira izjednačavanje plata svim javnim ustanovama na području općine Maglaj.

Vijećnik Hajrudin Ferić, mislim da ne trebamo dužiti o Izvještaju o radu i ovdje je situacija jasna kad je u pitanju prihvatanje i izvještaja i programa, to će biti jednoglasno sigurno. Ono što želim ovdje da naglasim, a to je da ova JU konkretno, ova JU bez obzira na neke, ja shvatam malo i političke, kalkulantske u smislu evo povećajte plate itd. i poredeći sa Veterinarskom stanicom ja želim samo nešto da kažem da napravim razliku zbog čega sam govorio za Veterinarsku, ona može i ima svoje vlastite prihode kao preduzeće funkcionise radi i prosjek u Veterinarskoj stanici je ako se ne varam neto plata je 570,00 KM. Magistra veterine što je zaista sramotno i ako se sjetite Ahmeta koji je isto tako govorio prije dvije godine da su plate u Veterinarskoj 500,00 KM, tu nešto ne štima. Kad govorimo o Centru za socijalni rad, to je drugačija potpuno situacija gdje su 100% na Budžetu i gdje mi zapravo moramo da vodimo rasprave na tačkama dnevnog reda kad govorimo o socijalnoj zaštiti, aspektu i stanju i statusu Centra za socijalni rad u aspektu kompletne socijalne zaštite na području općine Maglaj ili naravno u svim ovim drugim općinama, pa kanton, pa federacija itd. gdje je njihovo mjesto propisano zakonom, propisano odlukama OV. Zašto ovo govorim, naravno da smo mi svi za to da se povećaju plaće svakom i Dom kulture je katastrofalan i Centar za socijalni rad. Mi zapravo jesmo da se Centru za socijalni rad konačno učini minimum uslova, kadrovskih prije svega i materijalnih da obezbijede minimum zakonom propisanih obaveza koje im se nalaže.

Pod dva zaista da se ta socijalna zaštita koje imamo rasparčane na općini Maglaj dobrim dijelom u narednom periodu koncentrišu u Centar za socijalni rad, tamo gdje im je i mjesto, gdje mnogi rade itd. Sad kad bi mi pravili analizu nekih usluga koje nemamo koje nisu zabilježeni, a koje bi mogli i imamo na drugim mjestima otišli bi daleko.

Treći faktor koji sam htio jeste dobra praksa koju ste imali prošle godine u 2018.godini, to su susreti, radni sastanci između ostalog sa predstavnicima mjesnih zajednica, nevladinih organizacija i na tome morate i trebate insistirati i raditi i ubuduće kroz određene programe edukacije da to bude jasno i da to bude cijelu godinu i efekti i rezultati su vidljivi i na tome možemo samo da vam kažemo svaka čast, samo nastavite tako, neka to bude kontinuitet. Dakle, ovdje ima obaveza i s vaše strane u smislu menadžerskog vođenja firme, zahtjeva i obaveza u smislu Općine kao osnivača te Ustanove sa svim onim djelatnostima i uslugama i te kako ima, a naravno ima i obaveza i nas OV da uradimo i učinimo šta možemo i kako možemo.

Nije dobro i ponovit ću samo da mi nemamo nekih tematskih tačaka po svim oblastima koje danas raspravljamo malo šire i drugačije i temeljitije sa puno podataka i analiza iz administracije kad su ovakve ustanove u pitanju.

Vijećnica Šefka Hasanić, ostale javne ustanove na području općine Maglaj imaju priliku da svojim radom prodaju usluge građanima i time ostvare dobit. Centar za socijalni rad nema, znači s obzirom na tu činjenicu trebali bi imati malo više sluha i rekla sam u svom prethodnom izlaganju osjetljivost kategorija i situacija sa kojom se susreću ti ljudi s kojim rade, znači trebali bi imati malo više razumijevanja.

Načelnik općine, ne mogu da ne prokomentarišem par rečenica i ovo ne zbog javnosti, javnosti kad pomenete plate u institucijama diže im se kosa na glavi kolike god da su. Da ima razlika u platama JU i JP ima, ali čini mi se da bi ovo izlaganje trebalo početi sa dame i gospođe, jer mi ovo više liči na belu lađu i stranku zdravog razuma, ove nebuloze koje izlaze iz Kluba SDA. 13 godina ste upravljali JU i JP, napravili kaos, za 13 godina niste mogli napraviti red, da ne nabrajam da Veterinarska stanica nije imala menadžmenta, ni upravnog odbora, ni direktora. Direktor se nije birao desetak godina i više itd. Da je bio cirkus napravljen u Centru za socijalni rad gdje se isplaćivale plate neto uzimajući nova bruto itd. pa i danas Općina to plaća, ali sam izašao ovdje da vam kažem da i vi i očigledno onaj ko vas filuje tim informacija apsolutno nikakvog pojma nemate o Budžetu. Ja bih vas zamolio, sjedite, pročitajte Odluku o izvršavanju Budžeta, pa pogledajte i Budžet. Prvo svaka JU i JP što su na javnim raspravama tražili i dostavili u Općinu je uvršteno ove godine u Budžet. Bacate se informacijama o suficitu nakon tri mjeseca Budžeta, pa znate li koje je to neznanje, koje su to nebuloze, treba da izađete kad ovoliko neznanje pokazujete na sjednici. Govorite o suficitu na tri mjeseca. Valjda je suficit nešto što se na kraju godine bilježi i realizuje u skladu sa Odlukom o izvršenju Budžeta, a suficit nakon tri mjeseca, pa ko je započeo radove infrastrukturne itd. valjda se novac priliv ide svaki mjesec, a realizacija pojedinih aktivnosti i u Budžetu i u Programima u skladu sa Programom koje je donijelo vijeće ide čitavu godinu. Dakle, ovdje sam izašao zbog

javnosti da apsolutno veze nemaju o Budžetu o izvršavanju Budžeta, totalno nepoznavanje osnovne materije, ali se želi samo unijeti nervoza uposlenicima u JU i JP i to od strane onih koji su diktaturu nad njima vršili 13 godina.

Aida Hadžić, direktorica JU Centar za socijalni rad Maglaj, želim da vam se zahvalim na ovim riječima i po tome što ste prepoznali da je stvarno rad u Centru za socijalni rad izuzetno težak, da se mi susrećemo isključivo samo sa problemima, da jedine lijepe stvari koje se dešavaju tamo je kada nam dođu porodice i donesu doznake, pa mi brojimo koliko ih je u ovom mjesecu, ne bil stigli nažalost one izvještaje o smrti koje smo jutros dobili sedam. Zna da je situacija u našoj državi i u općini jako teška i htjela sam da razbijem ovu atmosferu da ispričam jednu anegdodu. Na upisu u školi kod nas u MSS učenik je na mjesto gdje treba upisati zanimanje oca, u stvari nije napisao ništa. Kad smo ga upitali šta ti radi otac, ne radi ništa, pa jel nezaposlen nije, pa šta radi ne radi ništa, on je direktor. Ja mislim da se moja djeca s tim ne bi složila a i većina današnjih direktora ovaj posao nije nimalo lagan. Još jednom da vam se zahvalim na prihvatanju izvještaja i programa. Prošle godine smo angažovali logopeda pa se to prepoznalo, nadam se da će u Centru za mentalno zdravlje, odnosno u Domu zdravlja logoped nastaviti i obavljat onu svoju funkciju koju i treba. Ja bih voljela da on radi i kod nas, ako je to moguće jer stvarno je potreba velika i to smo vidjeli i prošle godine. Ove godine ćemo se bazirati na psihologa, angažovat ćemo ih koliko možemo povremeno ili po nekim projektima, pa ako slijedeće godine mognemo dobiti i psihologa bilo bi poželjno, prije svega što planiramo da uvedemo porodično savjetovalište. Da bi nam se to moglo omogućiti potreban nam je psiholog bar na pola radnog vremena. Vidjeli ste da je razvoda sve više možda kad bi radili malo više preventivno uticali bi na to da se barem broj razvoda smanji, a zaista je situacija teška.

Zaključujem raspravu i dajem na glasanje

ZAKLJUČAK

12.1. Usvaja se Izvještaj o radu JU Centar za socijalni rad Maglaj za 2018.godinu.

Usvojeno sa 22 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović (SDA), Mustafa Buljubašić (samostalni vijećnik).

13.1. Usvaja se Program rada JU Centar za socijalni rad Maglaj za 2019.godinu.

Usvojeno sa 22 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Hasanić Šefka, Safet Jašić, Edina Jašić, Ermina Muminović (SDA), Mustafa Buljubašić (samostalni vijećnik).

AD – 14. i 15. Izvještaj o radu JU Dom kulture „Edhem Mulabdić“ Maglaj za 2018.godinu;
Program rada JU Dom kulture „Edhem Mulabdić“ Maglaj za 2019. godinu;

Otvaram raspravu

Vijećnik Hajrudin Fermić, nema puno vremena da raspravljamo o tome, zaista je široka lepeza o djelatnostima kao što je i u drugim ustanovama i preduzećima i to bi trebala tematska sjednica. Meni je malo šuhveli, što prvo nemamo nigdje jasno da li je UO prihvatio ovaj Izvještaj ili nije prihvatio i druga stvar, puno ima nekih nepreciznosti, nejasnoća da bi se moglo baš tačno decidno i jasno i odrediti u prihvatanju ovog i ovakvog izvještaja. Ovdje su samo u pravom smislu riječi tabelarno pobrojane sve neke manifestacije i djelatnosti koje su urađene, naravno ima tu i praktično šta je sve urađeno dobro i super i poboljšano je, ali ima dosta nejasnoća. Tako da iskreno rečeno ja nisam pametan šta da radimo sa ovim izvještajem, oni će se obratiti pa će nam malo i pojasniti, ali svejedno nisam za to da se noževima cijepe, jer konačno smo izabrali direktora koji će u kontinuitetu i dugoročno da već zna u kom pravcu dalje da ide i da poboljšava svoje djelatnosti.

Jasmin Bilić, pred vama u materijalima imate Izvještaj o radu JU Dom kulture „Edhem Mulabdić“ Maglaj za period 1.1. – 31.12.2018.godine. On je razmatran na 15. Sjednici UO, ja vam mogu pročitati sa zapisnika vezano za ovaj Izvještaj o radu. Upravni odbor je stava kad je u pitanju razmatranje Izvještaja o radu za 2018.godinu i Program rada za 2019.godinu, taj Program je uradila bivša direktorica Rašida Muhić.

Upravni odbor je Izvještaj primio k znanju uz konstataciju UO da se ova forma izvještaja ponavlja unazad tri godine uz samo određene izmjene. To se tiče Izvještaja.

Što se tiče Programa rada za 2019.godinu, on je rađen od strane vršioca dužnosti gospodina Bašića. On je također primljen k znanju uz napomenu da će se po izboru novog direktora ovaj plan i program JU Dom kulture „Edhem Mulabdić“ dopuniti i proširiti. Ovo je stav UO.

Pauza Klub SDP-a

U salu se vratio vijećnik Delić Edib, tako da Vijeće radi sa 23 vijećnika.

Vijećnik Mirza Bradarić, stav Kluba SDP-a je da su namjerno čekali da čuju šta će reći član Upravnog odbora. Mi naravno ne možemo sad obzirom da ni UO nije ni prihvatio ni odbio Izvještaj za 2018.godinu i mi smo stava da ćemo po pitanju izvještaja ostati suzdržani, a što se tiče Programa rada za 2019.godinu mi ćemo prihvatiti taj Plan i program, s tim mala je korekcija dopredsjedavajućem da će nova direktorica doraditi taj Plan koji je predstavljen za 2019.godinu, a kojeg će pretpostavljam usvojiti UO.To je stav po pitanju ove tačke dnevnog reda po pitanju koalicionog bloka.

Zaključujem raspravu i dajem na glasanje Izvještaj o radu JU Dom kulture „Edhem Mulabdić“ Maglaj za 2018.godinu,

Ko je za?

Glasalo 10 glasova za: Adis Abdurahmanović, Nedžad Alispahić, Selma Avdić, Mirsad Bejzić, Edib Delić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

Glasalo 13 glasova uzdržano:Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Nakon toga konstatujemo

Z A K L J U Č A K

14.1. Nije usvojen Izvještaj o radu JU Dom kulture „Edhem Mulabdić“ Maglaj za 2018.godinu.

Ko je za prihvatanje Programa rada JU Dom kulture „Edhem Mulabdić“ Maglaj za 2019. godinu, uz ovu opasku da se poštuje zaključak UO kad nova direktorica dođe da će ona svakako osvježiti taj program i ponuditi ga UO.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 10 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Edib Delić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

Usvojen je

Z A K L J U Č A K

15.1. Usvaja se Program rada JU Dom kulture „Edhem Mulabdić“ Maglaj za 2019. godinu, uz prijedlog da direktorica može da proširi Program rada.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici,

Glasalo 10 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Edib Delić, Safet Jašić, Edina Jašić, Hasanić Šefka, Ermina Muminović (SDA), Mustafa Buljubašić (samostalni vijećnik) .

AD – 16. i 17. Izvještaj o radu JU „Narodna biblioteka“ Maglaj za 2018.godinu;

Program rada JU „Narodna biblioteka“ Maglaj za 2019. godinu;

Otvaram raspravu

Vijećnik Nedžad Lokmić, u ime Kluba SDP-a iznosim stav da ćemo prihvatiti ovaj Izvještaj naše Biblioteke uz tri primjedbe, odnosno jedno pitanje.

Naime, tamo stoji da je sedmero uposlenih. Bilo bi lijepo da tamo stoji kao što je to direktorica Centra napisala i ime uposlenika i funkciju koju obavlja.

Drugo, naša primjedba se odnosi na radno vrijeme. Godinama se govori o tome da bi možda bilo lijepo da se to radno vrijeme prolongira, da se radi u popodnevним satima, predvećernjim satima kada su ljudi slobodni i kada oni koji su prva smjena mogu koristiti usluge Biblioteke i treće, tamo stoji u Izvještaju redovnih 11.200 i nešto posjetitelja, 7 hiljada onih koji povremeno navrate i 1000 onih koji koriste dnevnu i sedmičnu štampu. Dvoje od

njih sam imao prilike slučajno kontaktirati. Iznijeli su jednu scenu koja po meni malo delikatna zanimljiva. Čovjek koji radi za strane organizacije pokušao je doći do direktorice prije desetak dana. Međutim, niko nije niti znao, niti smio reći gdje je direktorica, kao da je u pentagon otišla na razgovor, pa se ne smije znati ni gdje je, niti smiju reći. Neko je morao znati gdje je direktorica. Zanima me po kom osnovu je ona bila odsutna, da li UO zna za to, da li je to bolovanje ili neplaćeno odsustvo ili šta već.

Prihvatamo i Izvještaj i Plan programa za ovu godinu.

Vijećnik Mirsad Bejić, Klub vijećnika SDA prihvata Izvještaj o radu JU „Narodna biblioteka“ Maglaj za 2018.godinu, kao i Program rada JU „Narodna biblioteka“ Maglaj za 2019.godinu.

Dženana Hadžiedhemović, zahvaljujem se za usvajanje Izvještaja. Ja smatram da je u materijalima koje ste dobili sve jasno i decidno rečeno. Što se tiče sugestija ispred Kluba vijećnika, uposleni i funkcija, prihvatamo tu sugestiju i ubuduće će se to popraviti.

Što se tiče radnog vremena Biblioteka je jedno vrijeme radila u vremenu od 7 do 15,30, nekada i do 6 sati, nije bilo interesanata, to je jako mali odziv, a biblioteka nema dovoljno uposlenih kako bi se radilo dvokratno.

S druge strane, po pitanju direktorice UO je informisan, direktorica je zvanično na bolovanju.

Vijećnica Svjetlana Zamboni, ne podrazumijeva produžavanje radnog vremena upošljavanje novih ljudi, nego se u diskusiji koju smo mi vodili na Klubu bilo je govora o mogućnosti da Biblioteka radi možda od 9 do 17 sati, osmočasovno radno vrijeme po primjeru Sarajeva ili Tuzle, tako da se osam sati radi bez povećanja broja uposlenih, zadovoljavajući naravno zakonske norme, ali pružajući mogućnost ljudima da pristupe biblioteci i nakon tri sata, makar ovi koji su uposleni do 15 ili 16 sati.

Zaključujem raspravu i dajem na glasanje

ZAKLJUČAK

16.1. Usvaja se Izvještaj o radu JU „Narodna biblioteka“ Maglaj za 2018.godinu.

Usvojeno sa 23 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić , Elvir Vehabović samostalni vijećnici, Adis Abdurahmanović, Nedžad Alispahić, Selma Avdić, Mirsad Bejić, Edib Delić, Hasanić Šefka, Safet Jašić, Edina Jašić, Ermina Muminović (SDA), Mustafa Buljubašić (samostalni vijećnik).

17.1. Usvaja se Program rada JU „Narodna biblioteka“ Maglaj za 2019. godinu.

Usvojeno sa 23 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić(SBB), Hajrudin Ferić (DF), Fikret Delić, Mustafa Bešić, Kanita Bašić , Elvir Vehabović samostalni vijećnici, Adis Abdurahmanović, Nedžad Alispahić, Selma Avdić, Mirsad Bejić, Edib Delić, Hasanić Šefka, Safet Jašić, Edina Jašić, Ermina Muminović (SDA), Mustafa Buljubašić (samostalni vijećnik).

AD – 18 Izvještaj o radu JU Dom zdravlja Maglaj za 2018.godnu;

Otvaram raspravu

Vijećnik Mirza Bradarić, Klub SDP-a će prihvatiti Izvještaj o radu JU Dom zdravlja Maglaj za 2018.godinu.

Želim da pohvalim menadžment Doma zdravlja što se konačno dobrim dijelom riješio problem parkiranja, parking mjesta i cirkulisanja oko Doma zdravlja. Znamo mi jako dugo da je problem pedijatra. Često na koje kakvim portalima, po fejsbuku možemo čuti razne komentare po pitanju toga, kako je problem, kako pedijatra nemamo da i ovi što dolaze budu kratko itd. međutim, ja koliko znam u maju mjesecu bi trebao biti riješen problem pedijatra, tako da će i ta problematika biti riješena. Jedna mala sugestija kada je u pitanju laboratorija u Dom zdravlja, da se provodi dosta vremena prilikom vađenja nalaza itd. znamo mi svi da svako jutro je jako velika gužva, međutim, da li postoji ikakav metod rješavanja toga po sistemu aparata, kartica itd. tako da bi pokušali regulisati taj problem gužve i nestrpljenja.

Vijećnik Elvir Vehabović, što se tiče Programa rada, nama program rada dostavlja Institut za zdravlje i sigurnost hrane. Nisu nama dostavili, tako da ni mi nismo mogli prosljediti OV.

Što se tiče pedijatra, doktorica je tu prisutna i čeka termin za polaganje tog specijalističkog ispita i kad se skupi komisija, biće polaganje tog specijalističkog ispita i to je to.

Što se tiče laboratorije, već smo nabavili taj aparat i čekamo taj mali aparat koji će printati redne brojeve, mali displej i redomat su došli prije sedam dana i čekamo još taj aparat koji će printati brojeve.

Zaključujem raspravu i dajem na glasanje

Z A K L J U Č A K

18.1. Usvaja se Izvještaj o radu JU Dom zdravlja Maglaj za 2018. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, Mustafa Buljubašić, samostalni vijećnici .

Glasalo 9 glasova uzdržanih : Adis Abdurahmanović, Nedžad Alispahić, Selma Avdić, Mirsad Bejzić, Edib Delić, Safet Jašić, Edina Jašić, Hasanić Šefka, Ermina Muminović (SDA).

AD – 19. i 20. Izvještaj o radu JU Narodna apoteka Maglaj za 2018.godinu;

Program rada JU Narodna apoteka Maglaj za 2019.godinu;

Otvaram raspravu

Vijećnica Irena Herceg, u ime Kluba vijećnika SDP-a mi ćemo prihvatiti Izvještaj o radu „Narodne apoteke“ Maglaj i Program rada. Ovo je jedina ustanova koja se finansira sama i mi nemamo nekih primjedbi. Možemo samo pohvaliti njihovo nastojanje da svakodnevno unaprijede svoje usluge.

Vijećnik Safet Jašić, mi smo uvijek podržavali „Narodnu apoteku“, našu javnu ustanovu i ja često idem u apoteke po svim mjestima, nema bolje, čestitke što se tiče i mene i Kluba. Naša Narodna apoteka je na nivou.

Zaključujem raspravu i dajem na glasanje

Z A K L J U Č A K

19.1. Usvaja se Izvještaj o radu JU Narodna apoteka Maglaj za 2018.godinu.

Usvajeno sa 23 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Edib Delić, Hasanić Šefka, Safet Jašić, Edina Jašić, Ermina Muminović (SDA), Mustafa Buljubašić (samostalni vijećnik).

20.1.Usvaja se Program rada JU Narodna apoteka Maglaj za 2019.godinu.

Usvajeno sa 23 glasa za :

Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Nedžad Alispahić, Selma Avdić, Mirsad Bejzić, Edib Delić, Hasanić Šefka, Safet Jašić, Edina Jašić, Ermina Muminović (SDA), Mustafa Buljubašić (samostalni vijećnik).

Dopredsjedavajući, mi smo sa ovim zvaničnim dijelom završili. Ja imam informacije da je Načelnik zaista u žurbi oko organizacije i pripreme pa da bi odustao od brifinga, a i ja molim vas vijećnike ko god ima vijećničko pitanje ili inicijativu da dostavi pismeno ovdje u Službu, a da mi s ovim završimo ovaj zvanični dio.

Vi možete gospodine Buljubašiću i svi koji imaju bilo kakvo pitanje i inicijativu bit će pismeni odgovore.

Vijećnik Mustafa Buljubašić, ja bih vrlo kratko nevezano za ovo, ja ću dostaviti svima vama da imate ovo pitanje. Da se zahvalim ovdje Mehmedu Bradariću što je spomenuo penzionere da su uredne platiše. Pensioneri su uredni i u zdravstvu i u apotekama i BH pošti, telekomu, Elektrodistribuciji i svim javnim ustanovama. Ne zaboravite da penzioneri svaki mjesec unesu u Maglaj više od milion i 300 hiljada KM kroz penzije, to sve prođe kroz PDV i zbog toga svi vi koji radite u javnim ustanovama imate dio plate. Ne zaboravite da penzioneri zaslužuju veću pažnju nego što mi to ovdje svi radimo i u stanju smo podržati jednu firmu i tri-četiri čovjeka a 3.500 nismo. Hvala vam.

Pisane inicijative i vijećnička pitanja dostavili su vijećnici Edib Delić, Adis Abdurahmanović i Mustafa Buljubašić.

Vijećnik Delić Edib,

Pokrećem inicijativu koja je vezana za postavljanje saobraćajnih znakova na magistralnom putu M-17 u mjesnim zajednicama koje gravitiraju MZ Misurići i MZ Liješnica. To su znakovi koji označavaju naseljeno mjesto.

Molim nadležnu općinsku službu da u što kraćem vremenskom periodu uputi inicijativu prema nadležnim institucijama FBiH, odnosno Direkciji za ceste FBiH.

Vijećnik Adis Abdurahmanović,

Na inicijativu građana Gornje Kosove postavljam vijećničko pitanje. Da li je Služba pripremila elaborat o sanaciji puta na dionici Topola-Kamenolom. Pošto je dionica skoro pa neprohodna građani gube strpljenje i traže konkretan odgovor.

Molim da mi se dostavi odgovor pisanim putem, obzirom da sam prethodnih sjednica postavljao isto pitanje i nisam dobio odgovor u pisanoj formi.

Vijećnik Mustafa Buljubašić,

Dostavio je pisano Vijećničko pitanje koje će biti dostavljeno u cjelosti u Službu za BiZ , opću upravu i društvene djelatnosti.

27. sjednice Općinskog vijeća završena u 13,50 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.



ZAMJENIK
PREDSJEDAVAJUĆE
Hajrudin Ferić